

甌北詩鈔七言古三

陽湖

虎邱寺玉蘭樹歌

蒼山變作白頭坐訝許夜來春雪大豈知中有逆風香
一樹琪花開萬个槎枒老榦老不死幻出蛟虬半空卧
千霄欲鬪星榆高拔地應嗤澗松挫千步長廊圍不住
搜出簷頭勢掀簸幸渠占天不占地不然將塞古寺破
是時花光正爛熳瓊盞銀盤炫奇貨似入藻珠宮幾重
豈移羣玉峯一座素華迥耀滿山朗落英堪飮萬夫餓
根定千人石盡蟠芬真七里塘俱播翻疑列真此開筵

甌北詩鈔

七言古三

一

玉屑霏成九天唾十丈蓮漫昌黎誇千年桃枉方朔賀
噫嘻乎世間縱有豫章材多在深崖路坎珂茲獨生長
人海中萬古能逃斧斤剉得非身本紫玉魂常有百靈
爲遮邏閱盡遊人珠翠粧伴他老衲鐘魚課我來摩挲
特矜寵捫筆題詩少人和笑比岳陽老樹精可識回仙
朗吟過

戲爲疊字體寄邵耐亭

憶昔與君初結交傑直薇垣情最密地豈頭廳隔二廳
班非隻日間雙日每尋伯雅季雅酣共訪大西小西逸
今雨不來舊雨來朝霞不出暮霞出西晉東晉辨書法



初唐晚唐究詩律消寒欲過燕九九催花擬喚殷七七
人笑負蟹趨叩叩我比連珠綴瑟瑟無端居者送行者
君也掉頭歸著述北戶之北南斗南我獨揮鞭馭頻叱
柳柳州所謫居地文山昔戰敗馴山號鴉飛飛不到
峯名鬼哭哭無歇龍苗狗苗狀可嗤烏蠻白蠻語難詰
騎驢甚或覓驢忙得馬又疑失馬吉木偶漂逢土偶嘲
越人瘠豈秦人恤此時君正北牕卧名花滿庭書滿室
在家人作出家僧一項田栽半頃秫右挂右丞畫一幅
左列左司詩數帙逃禪非想入非非談藝乙端抽乙乙
亦元亦史亦風騷不履不衫不中櫛笑我山上又山多

甌北詩鈔

七言古三

二

長在夢中把夢說如今我也返江村與君相近肯相失
擬泛長亭短亭舟來從上山下山屐某邱某水同釣遊
誰主誰賓旅肴核本無翻手覆手嫌何須白眼青眼別
公是公非訂弟兄徐行疾行攜子姪興酣百罰酒百杯
賦就一字嫌一匹留與江鄉作佳話二老風流會真率

偶飲游戲遂創千古奇格後麟

曉仙謠

街鼓三更人語歇露華無聲冷透骨野狐變人形未全
頭戴髑髏學拜月煉成七七四十九脫落皮毛好姿首
黠犬縱識他元身也畏神通不開口金闕寥陽彩雲碧

公然混入羣仙籍。羣仙亦復愧。不如紫府清班推首席。
身傍璇霄得地高。馨歎一聲飛霹靂。雙爐前引兩青童。
五百鐵額避下風。旁人莫笑山非類。此亦曾經用苦功。

李長吉專從不可解處作奇語人不能學此却從可解處作奇語人亦不能學
兩人才分未知孰優孰

讀書苦忘以詩自歎

東坡壯歲在貢院。晝與同官恣喧瀆。暮然寸燭閱卷多。
一覽輒了數百幅。晚年北歸過贛州。對客頽然亦睡熟。
晦翁少與伯恭學。有多目星夜受蹴。研磨到曉益神旺。
伯恭既醒大歎服。後來此物竟辭去。每夕亦須脇席宿。
由來老境潛逼人。恰如惡客來不速。伊余自昔愛篇籍。

甌北詩鈔

七言古二

三

常恨無資積滿簾。幾諛南華作僻書。偶得論衡矜秘牘。
仕宦歸來力稍餘。挿架新收三萬軸。嚴課猶思限等身。
健忘已歎虛過日。分明何處似相見。一斷機絲渺難續。
剪紙漫費巫陽招。升屋空期臯某復。乃知茲事亦關命。
貧慕膏粱富厭肉。昔時能讀苦無書。今日有書苦難讀。
整妮牙籤奈老何。光陰漸少書正多。君謨愛茗不能飲。
但淪香泉玩綠波。

疽發於背醫來以刀割治作詩誌痛

百病伺衰來侮我。始知身老無一可。眼昏齒豁且勿論。
七尺頑軀結果蕪。初謂癰疥不足憂。旋復墳起如贅疣。

眼疑欲化馬背腫。痛若被螫薑尾鉤。醫來技窮七首見。
發。研直似執危牛。我愁瘦。割身亦死。渠謂癰。養病弗瘳。
一刀初入淚迸落。兩刀三刀喪魂魄。可憐消瘦一枯肌。
不足當拳况鋒鏖。膚革幾防鑿壁穿。肺胎而恐和盤抵。
幸我回頭看不見。但見奴僮也驚愕。憶昔從軍絕徼秋。
金瘡常備中戈矛。卻憐今日刀銛血不作。沙場刮骨流。
與容談黔中牟珠洞之勝補記以詩

我不知混沌以前世界作何狀。可亦地在下天在上。禽
羽獸蹄人。裸相自從攬勝牟珠洞。乃知人物與今同一
樣。峭壁劃然開。中有小九垓。山僧秉炬導我入。千變萬

甌北詩鈔

七言古二

四

怪何奇哉。訝如門啓扉。蠹如柱立礎。方如棋罨圓。如鼓
蹲如狻猊。伏如虎。又有釋迦古佛觀世音。手掣香象調
鸚鵡。都是胚胎石。渾成畫。所不到。况椎斧。謂是人雕鐫。
世間安得愚公與楊焉。謂是化工肖物像。物像在後此
在盤古先。始知龍漢劫。前舊人物水火風輪相蕩汨。一
齊鎔入鈞陶中。有不化者。剩石骨。海桑陵谷變遷俱已。
盡。偶然留此迹。不沒龍髯軒鼎追。蠡鐘詎足相提較。歲
月儒生拘墟守。尺寸動云六合以外存。弗論豈識洪荒。
橐籥有泄處。仍在人間堪體認。由來一个陰陽爐。十二
萬年前後同。此模饒他劫。劫塵塵千百變。不能另樣畫。

葫蘆

同蓉溪芷堂遊獅子林題壁兼寄園主同年黃雲

衢侍御

維摩丈室走終日長房縮地稱仙術人間乃有獅子林
一畝中藏百里濶取勢在曲不在直命意在空不在實
選盡湖黿皺瘦透幻出奇峯排一大或朱劬綱上餘
小或米顛袖中出躩踞如見奇獸蹲痠瘦似逢老人叱
嵌空都作骷髏竅孤特欲撐散卓筆一簣猶嫌佔地多
寸土不留惟立骨山蹊一綫更紆迴九曲珠穿蟻行隙
入坎途愁墨穴深出幽燈怯鈎梯窄上方人語下弗聞

甌北詩鈔

七言古三

五

東面客來西未覩有時相對手可援急起追之幾重隔
箭筈門狹棧閣危縮本摹成僅尋尺遂令陶輪手掌地
折盡前齒後齒屐想見匠心結換勞起稿或經四五易
人巧奪到天工處能使鬼神亦護惜數百年來幾陵谷
此獨堅完縫不裂萬石融成一片青寸松長到千尋碧
倪迂當日慮崩頽作圖欲傳不朽迹豈知圖更比圖永
宛委常含一區宅我同勝侶來登臨橫側看奇日將夕
踏花幸有僮引途掃徑惜無主欸客如此溪山不在家
主人大小烟霞癖

讀陸放翁詩題後

晴霞散綺光滿空。萬馬蹴陣聲隆隆。狼籍心花怒猶熱。
映入燭燄成長虹。南渡全忘復讐事。畱作先生不平氣。
况兼才思十倍雄。萬斛原泉不擇地。好景當前人弗見。
觸目輒歸剪裁麗。直罄造物無盡藏。不許天公稍自秘。
人言翁詩太求工。先得佳句後訖功。欲與千秋鬪顏色。
寧免略傅胭脂紅。要其艷質本獨絕。修飾乃益妍無窮。
不然無鹽滿面粉。豈遂可列施嬙中。晚年藻采更悉擯。
淡掃蛾眉使人認。老婆舌頭老嫗頤。拾來都與名理印。
試讀渭南以後詩。八九十歲猶精進。乃知耄學益勤劬。
老境逾甘啖蔗如慚余。五十編詩日纔是。先生存稿初。

甌北詩鈔

七言古三

六

橫塘曲

畫就蛾眉上酒船。酒船泊傍綠秧田。田間耕婦船中女。
相對橫塘古渡邊。倚舷人映晴波綠。歌扇裁紈衫製縠。
虬髯大賈催纏頭。鉤合成雙錦盈束。田婦從旁黯自傷。
可憐赤腳踏泥漿。朝行秧馬宵呼犢。不抵清歌侑一觴。
有客清吟落花片。勸渠且勿心生羨。田家荆布首如蓬。
形容雖愧紅粧面。紅粧伴客酒杯前。此景也羞田婦見。
但免身爲濁水泥。省被人呼倚門賤。聽我橫塘一曲歌。
田家本質亦修蛾。若甘賣笑將人媚。未必輸他所獲多。

長夏曝書有作

嗜書空如嗜噉蔗。書不在腹乃在架。黃梅過後日如火。晒向中庭課長夏。高函大帙充棟隆。多少精血藏此中。當其志欲爭不朽。誰肯畱拙不見工。如何遙遙千載內。傳者但有數十公。其餘姓氏漸莫舉。魚鼈滅沒洪濤風。由來茲事非倖致。邠鄆敢長黃池雄。文人例有一編稿。鏤棗錄梨紛不了。若使都傳在世間。塞破乾坤尙嫌小。少年下筆偶得意。輒思橫壓古人倒。古人拍手青雲端。大笑班門枉弄巧。關張之勇施媼妬。何處許人學起草。到此方知願莫酬。摩挲插架轉悠悠。却憐齒豁頭童日。還托雕蟲一卷留。

甌北詩鈔

七言古三

七

老柳一株腹裂二丈許。而枝葉特茂。詩以張之。

邨南老柳老空腹。楞然大可容百斛。當胸一劈誰毒手。慘裂似剝孕婦育。是宜憔悴日就枯。胡乃叅天十丈綠。臨風尙學纖腰舞。過雨還矜鬢髮沐。恰如老婦得士夫。傅粉衰顏善粧束。使我摩挲增太息。隣爾外強中已蹙。有客從旁代解嘲。此論得毋眼猶肉五官缺。一神乃全。物理由來有盈縮。臂折或拜三公榮。齒落翻享百歲福。此柳谿訝腹雖裂。恃有頑皮歷涼燠。叔寶正以無心肝。能向人間耐榮辱。殘軀漫比半死桐。壽相端推不材木。長條依舊垂麩麩。不許人嗤老而禿。形骸欲朽氣轉雄。

謁雲巖公賦呈

一段偏奇狀可掬婆娑合喚支離叟好與先生伴幽獨
去年見公淮陰城公方底績河隄平今年謁公浙江驛
公又專膺捍海責禮絕朝班爵上公勤勞亦復少人同
南征北討西平後又奏河清海晏功兩間落落數大事
盡出一手經營中感公念舊迎側屣問我家居近何以
腐儒前身是蠹魚寢食不離文字裏自知學海尚迷津
妄想名垂著述身當公百戰戰強敵我亦百戰戰古人
堪笑毛錐不自量遂欲與公爭千春公遇狂生亦磅礴
肯出奇篇倒行橐虹光燭天霞滿空掩盡熒熒萬火燭
甌北詩鈔

七言古二

八

公乎幸勿再佔此畱與腐儒稍立腳

散花曲

空中捉花究何有老來好色惟在口偶然闌入烟花場
肯避風流作迂叟就中聲價推珠娘一笑千金擅名久
知是詩人杜牧來不惜紅顏娛白首滿屋明燈照綺筵
風光如夢夜如年冰絲調曲彈銀甲羅帕求詩代錦箋
背燭暗將眉語遞分杯更把口脂傳美人能有名心在
標格先高錦瑟篇推上牙牀誰惡友欲試阿難禪定否
豈知嚼蠟抵橫陳往日劉伶已止酒完璧還君繫臂紗
髻絲禪榻感年華一場璫管靈山會辜負天仙爲散花

白鬚

無鬚與有鬚。人生一界限。鬚黑到鬚白。又是一箇鏡。鏡先
生。從不把鏡照。自覺心情尙年少。友朋諷我方精強。妻
孥慰我未耄耄。一朝偶對菱花看。不謂竟作如此貌。昔
從衆黑中見白。今從衆白中見黑。雖有數莖尙帶蒼。恐
亦難堅後凋色。欲學拔都染。先愁塗抹作鬼臉。欲效子
由拔。擢髮難數不勝殺。不如且聽他。留伴兩髻華塵談。
助。靠清玉屑牙。慧增吐艷雪花。掀來色映白。題舞掀。斷
詩。推白戰家。旣已白之謂白矣。何必元之。又元耶。羅幃
縱嫌陸展面滅燭。以後看不見團扇。或畫放翁狀。可少

甌北詩鈔

七言古二

九

幾縷銀絲颺清晨。引鏡重自看。姑妄言之作笑端。倘然
出山作相去。省服地黃蘆。煎丸。

簑衣仙歌

簑衣仙。旣非冒雨叱烏犍。又非釣雪寒江邊。脫屣妻孥
住道院。麤麤茸草披兩肩。出身曾作權門吏。遣往東南
禱神庇。途遇主人對簿來。三木囊頭。扯拳臂。囑傳口語。
語夫人。東窗事犯。應難避。歸來新殞已在門。乃知所遇
正其魂。喟然太息。輪廻理世間。冥報非空言。遂脫押衙
靴。笏去簑衣。一領冬夏溫。噫嘻乎。權奸當朝快。誅戮那
顧阿鼻有地獄。方謂陰司亦勢利。生有餘威。死餘福。地

下橫財尙鑄爐情而閻羅不難熟所以當時格天閣垂
死猶傾數十族若無斯人親眼觀曷使世上奸膽寒晝
師數典有深意莫作江湖逸客看

大雪戲作

蒼天高高地廓廓誰能力使兩相拍合成一个大冰壺
只有冬來雪花落雪花今日何其粗當空似被神鞭驅
凝寒所成固其理何以片片六出俱倘須一一雕鏤出
化工雖捷亦大愚初疑瓊屑糝厚旋訝玉蘂回枝枯
老梅亦復難自別香來始覺與衆殊同雲漠漠米家派
都將淡墨淡粉畫雲耶雪耶混一團莫辨覆盃仰盃卦

甌北詩鈔

七言古三

十

想見洪荒未闢時雞卵中間涵沉瀆天公毋乃太作戲
富貴驕人銀世界老夫無物可鬪奇白鬚相映發光怪

陳灣山下大銀杏樹歌

水有長鯨陸有象物產每多破格樣陳灣山下一銀杏
大數十圍長百丈霜侵雪蝕老不死擎攬空中勢張王
不知何年托根牢近或唐宋遠六朝生於平地不自量
其意欲與山爭高團團廣蔭更數畝綠棚遮徧千僧寮
皮皴甘作鐵石醜竅古翻似洞壑枵探卵無驚鳥夢穩
吸露易飽蟬鳴驕樹中此亦巨無霸俯視萬木皆兒曹
名材摧折世何限樵斧砍伐獵火燒輪囷何以獨無恙

或因僻在荒寒郊。倘更長養千百歲。天公亦恐觸膂。朕
我來正值秋聲雪。雄猛神威使人怯。戰罷西風葉落黃
有如老將脫金甲。夜半猶聞吼作濤。倒捲太湖樹頭壓
語必驚人老杜一生秘訣被雲峯看破故無一語落平俗

西巖齋頭自鳴鐘分體得七古

化工豈許人捉摸。忽被巧匠偷秘鑰。宛委中含十二時
添得嘉名列編鈔。形非九乳九耳垂。製豈雙夔雙螭攫
但覺莊嚴小佛龕。琢玉鏤金燦輪郭。云有靈機能發響
騫如冶金奮騰躍。按候恰與晷景符。昕夕告期了不錯
得非雞人坐其下。司旦司昏手奏樂。豈知絕不假人爲

甌北詩鈔

七言古三

十一

自有噲呖出寂寞。寶刀刺尙愁無聲。寸莛撞或慮不答
茲獨繁音起腹中。似轆轤轉飢腸。涸一條金線縮鐵泉
鉏齧痕邊度。乍愕寂靜微聞食。葉盤旋默作。循條夔
忽然觸動。蕤賓鐵突出。刀槍鳴。歟薄內有金聲。外針影
聲影相隨。若素約。捷於緹室氣飛。灰驗比鈴閣神。撼索
何須景陽催曉粧。豈但楓橋驚夜泊。直從一寸關鍵中
地紐天根貫脉絡。笑他僧寺百八聲。考擊磴磴謹踐諾
神哉技乃至乎。此問是西洋鬼工作。其初攜從利瑪竇
今遍豪門炫樓閣。刻漏法本自中土。軒帝姬公幾荒度
後來摹仿制益精。渴烏吸水滴涓勺。金銅仙人金胥徒

四十八箭遞插脚。遠公蓮葉又意造。燕肅荷茄亦手跡。
倩女捧牌按時登。神將持杵應候搏。此皆震旦千載傳。
海外何由窺橐籥。乃知到處有異人。聰明各把混沌鑿。
先生何處購求得。位置高齋映筆格。趨朝曾記景過塲。
退直或至更平聲起。柝卽今歸田輟。待漏猶惜分陰肯。拋
却投籤常恐就睡酣。擊鉢不怕催詩惡。有時放筆吐偉
詞。鞿鞞能令四座愕。此鐘便是程書石。想見績學綜浩
博。腕力健扛百斛鼎。腹笥富逾千石鑊。可許我來叩春
容。蒲牢一聲震寥廓。正力完足保泰

西巖招同沈旣堂王夢樓兩前輩讌集旣堂以髻

甌北詩鈔

七言古二

三

癡不能坐長跪終席戲用西巖語作詩奉粲

不以膝行以膝坐。雙跣例爲先生破。旁人不知髻無膚。
只道先生謙太過。先生生平骨嶙峋。但有強項無曲身。
將軍幕下長揖處。尺八腿鑄鐵作筋。胡爲歸田少拘束。
足恭翻作鞠脗人。謂逢壯士按劍怒。座中若个帶欄具。
謂向老人進履恭。我輩誰是圯上公。主人解嘲言語妙。
金搭繡襦論果報。童年鈍或跪讀書。君乃一目十行俱。
闔政嚴或跪請答。君家伉儷無獅吼。官卑不免跪路岐。
君由翰林擁旌麾。此膝從來未被辱。故應罰支軟脚局。
教他略嘗跪蹠苦。始信人間有委曲。風趣橫生辨才無碍哉

西巖治具全用素食以夢樓持齋故也作素食歌

見示亦作一首答之并調夢樓

古人齋食但忌葷所謂葷者乃五辛後人誤以指腥血
蔥薤羊豕遂不分王莽素食禱秋熟元后手詔催食肉
是知素與肉相對西漢以來已成俗更從佛教戒殺生
蕭老公乃麪爲牲自此世間佞佛子必以素食表至誠
豈知素也可爲絢又增一番烹餼精夢樓持齋老不怠
西巖饗之去割宰我非禪鑽亦伴食正嫌主不燒豬待
似淵明入蓮社中頗以無酒睡生悔豈期下箸倍覺珍
不數豹胎猩猩脣香菌自南麝菇北菘必秋後筍未春

甌北詩鈔

七言古二

三

有時故彷彿豚魚樣質不相混色亂真問誰作此太狡獪
素食想備素手人豆粥韭萍洩秘法昔人曾把庖丁殺

蕭賓賓肯帶庖來此事殊較季倫遠

是日卽用
夢樓庖人

獨思澹泊

本明志咬斷菜根齒纔礪茹素若又鬪新奇何不仍來
決大嚙向來只道肉食鄙肉食恐無此繁費八百里駢
一割嘗豪氣翻借素風試各實不稱殊反常寒儉幻出

繁華場有如寡婦雖不嫁偏從澹雅矜素粧衣裁縞袂

曉雪色佩綴白璧夜月光遊行梅花李花下自謂守節

追共羨吾知其心未必淨招之仍可入洞房滿堂聞言

笑噴飯街鼓紉如夜將半老饗捫腹亦鼓亨登車不覺

贈三元錢湘船

已亥解元辛丑會元狀元

三千年桃_一文_一藉_一世_一間_一奇_一事_一乃_一竟_一有_一滿_一街_一爭_一擁_一看_一三元
禹門登或浪打去。神山到又風引還。至於名冠多士上。
尤其是人生所不想。偶然得一已足誇。何況連壓黃金榜。
歐文忠王文恪兩元已在握。臚唱聲中又飄落。君獨連
擲得。梟若蒲博國手棋。無第二着。毋乃真天仙身騎白
鳳凌雲。烟三垣九闕。攔不住。直到玉皇香案前。我聞奪
標紫宸殿。榮過將軍奏凱宴。却啜三箭定天山。猶只了

甌北詩鈔

七言古三

十四

却一場戰古來。惟有蘇定方。手平三國皆擒王。直至前
明張英國。三征南交渠。必得君也。一書生遂與二公先
後相抗衡。設令國家更有別科目。不知又領幾次雁

塔名。噫嘻乎讀書孰不望傳世。千氣萬力尙難覲。羨君

占盡科名榮。一日聲華滿天地。從此不愁不千秋。祇須

建豎堪相俾。累朝如君十一個。唐張又新崔元翰宋孫何王曾宋
庠楊翼王巖叟馮京金孟宗獻元

事蹟半在青史留。贈君一篇三元考。更期進步百

尺竿。上頭時以所著三元考一篇奉贈

大風從丹徒口出江至瓜洲

風向西行水東注。風水相薄乃發怒。初疑風在水面掠

旋驚風入水底吐。

去聲

大聲吼作百里雷。碎沫濺成半空

霧捲翻峩頂亂雪堆。倒豎匡廬急瀑布湧來。突過逆上

魚蹴起打落高飛鷺。一波未平又一波水皆壁立直不

仆江神似妬金山名幻出銀山與相爭。想當肩最蓄力

處徵集百靈供使令。豈惟封姨肯助勢陽侯冰夷齊赴

盟激濤巧趁子胥憤迴瀾弗顧河伯驚羽檄飛催鼉令

騎符書速召龍伯兵洞庭君分犀兕甲稷舍人借鷺鸚

營作使水族各賈勇。推潮排浪高于城。蝦鬚蠹杆前導

引蟹螯執鉞旁橫行負山巨鼉厚軸撼吸川長鯨洪鐘

鳴磨牙鯉將饜所欲暴腮鯉且洩不平下至白小一二

甌北詩鈔

七言古二

五

寸亦復跳躍學怪精。遂使澄江一疋練。掀天盪日爲鏗

鏘。我來正值滿江闊。萬斛龍驤莫敢動。篙師欲試十幅

蒲拚我老命作戲弄。剪江一霎三十里奔馬脫銜不可

控鐸語斷渡悔不遺墨色覆舟恐竟中乘危幾愁軀骨

捐出險又覺心膽縱擬借青天作紙張寫出奇觀豁醜

巽

未堂西巖松坪旣堂悔菴杜村招陪松崖漕使醺

集九峯園并爲湖舫之遊作歌

半年不上游湖艇。爲怕出城見荒景。四月麥熟已食新

適遇佳招吾可領。巡漕使者將還京。此間地主皆多情

九峯園中大設宴招陪折簡到老僧九峯中有一品石
八十一竅透寒碧傳是米顛昔所遺其餘八峯亦奇闌
綺寮祇室交掩映最玲瓏處集裙屐烹鮮斫鱠炊雕胡
主人稱觴客避席酒闌乘醉泛淶河去探芍藥開未開
東風一夜萬花發到此始嘆天公才是日輕陰半寒暖
滿湖珠翠紛往回水學眉顰綠微皺山分髻色青濃堆
似爲游人助清悅襟塵一掃何快哉嗚呼此會不易得
勝地名流兩相敵蘭亭修稷漢陂遊俯仰人間幾今昔
江山常新人易老樂事轉眼卽陳迹可少題詩記登歷
一爲歌行歌主客

甌北詩鈔

七言古三

七

汪劍潭自汴歸見示汴中古蹟詩戲和博浪沙一

首

道旁一擊若竟中劉項紛紛俱不用正惟滹池璧未來
遂覺倉海樵輕動十日大索羅網張兩人飄然終遠颺
此段屈伸變化處已賽荆卿秦舞陽一試不效身再出
子房終把嬴秦蹶獨怪持椎狙伺人勇于猛兇俊于鷗
何以羣雄虎鬪時不復起事豎突兀將毋此亦大英雄
識幾甘避沛大風神龍見首不見尾去作海外虬髯公

題春閨睡起圖

窗外一聲秦吉了落花驚破香魂小夢回何處續餘歡

倦坐無言繡幃悄。小鬟多事漫相猜。鏡卜瓦占翻聒擾。
夢中所歷。只自知說。與旁人那得曉。

醉時歌贈春農同年

春農先生我老友。武庫胸中無不有。貫穿經史羅百家。
碑榜文章推巨手。江北江南四十年。乞文車馬滿門前。
其門如市文如水。不擇地湧萬斛泉。昌黎諛墓金無數。
皇甫酬碑絹論千。腰纏壓得鶴背重。坐令不得飛上天。
有官不補主壇坫。龍門聲望青雲巔。一年一年風氣變。
米價日高文日賤。貞珉讚頌錦屏詞。昔是嫁衣今棄扇。
黃紙豈屑寫表送。織罽漸稀修費見。生平手積萬卷書。
甌北詩鈔

七言古三

七

飢來一字不堪嚙。噫嘻乎。百足之蟲一足獸。各自得食。
不偏瘦。人間只有賣文錢。其技雖工計則謬。時來紙貴。
洛陽城運去。窻糊酒家。願明知雞肋已無味。老矣肯改。
花樣繡。昨見高門去。請醫或有誌。銘來相救。

題周昉背面美人圖

髻結烏雲斜不整。一片銷魂綠髮影。亭亭背立碧欄杆。
不見蛾眉見螭領。毋乃避人含嬌羞。復似向隅抱悲哽。
當筵平視無所施。穴隙旁窺亦難省。前身豈是韓淮陰。
相君背已非喻等。千呼萬喚頭不回。令人想殺容顏。
崔徽自寫卷中人。毫釐惟恐差笑鬢。延壽索錢雖不遂。

未敢竟遺眼鼻唇何哉此圖含毫邈不着色相妙寫真
既無琵琶半遮面又非羃離全單身取意乃取返照景
瞻之在後美絕倫昉也貌肥夙所擅并不貌肥意太新
得非其人本不美別構呵堵爲傳神君不見李夫人病
態恐使君王見君王臨問下羅幃轉向牀陰不露面又
不見李晉王一目眇兮微似線命工爲作習射圖眼光
側注雕翎箭大都疵類好掩藏圖中入必貌不揚只因
寢陋怕人看翻以護短巧見長真容安知非豔嫺遺照
轉共發施嬌此正畫師狡獪處騙盡人間淚子腸

兩臂風痺復發自春及秋療治不效殆將痼疾矣

甌北詩鈔

七言古三

十一

我不能挽強弓挺長戟奮臂軍前立勳績尚思左持螯
右揮毫掉臂林下遊逍遙胡爲風痺欺我老患起肘腋
費攻討昔年發幸痊今年纏不了酸疑醞醋淬痛甚頑
石擣屈伸僅餘腕可運轉旋難與項俱拘有衣不能披
如兒待人祿背癢不能搔想殺麻姑爪曲肱尋樂翻苦
辛張拱作禮欠端好有時敲以女手卷耐打李陽毒不
飽會聞足中有鬼多迢迢詎知手亦有鬼相掣牽幸而
罷官兩肘已無用不然斗大金印如何懸醫經急尋繹
灼艾煎膏俱不惜傳藥少驗方攻火又下策徒成豫讓
漆身癩莫償田興熏體炙或言辟寒須用煖湯浴復汲

井華煮滿斛。坐使皺皮垢。面一衰醜忝充華。清妃子。胭脂肉。療治亦已工。依然折臂翁。由來衰至疾。自攻一葉落。可知秋風君。不見老樹原。非一朝折。今歲枯幾條。明歲禿幾節。數十年始生意。竭從今且學舞支離。笑比孤桐半死時。亭亭百尺龍門上。老幹特立旁。無枝。

生趣方橫溢。未疾豈能爲累德。麟

贈取書施漢英

我昔初歸有餘俸。欲消永日借吟誦。汝從何處聞信來。滿載古書壓船重。我有錢欲得書。汝時有書欲得錢。一見那愁兩乖角。乘我所急高價懸。雖然宦橐爲汝罄。甌北詩鈔

七言古三

九

插架亦滿一萬編。我今老懶罷書課。囊中錢亦無幾箇。愧汝猶認收藏家。捆載來時但空坐。

題吳並山中翰青崖放鹿圖

十年騎慣揚州鶴。花月春江殊不惡。豈知雅志深山中。要與麋鹿遊寂寞。雄文早歲賦鹿鳴。領髭連摘南宮名。便當八騶開路出。虎幡熊軾雙蜺旌。胡爲掉頭不肯顧。夢遊天姥同遙情。一幅丹青寫胸次。青崖叱馭瑤光精。青崖迴在峰六六。中有千年雪色鹿。不掛禁園放免牌。不隨官府行春轂。只供仙人乘騎用。斯奔足過蒼麟速。君也馴之如擾龍。離狗疇雞一例畜。解角齋池確磔聲。

養茸庭草芊綿綠。有時放入碧雲去。雲深不知在何谷。
夕陽西下樹影斜。呦呦仍來屋北宿。自是君身有仙骨。
天與神物伴幽獨。麈心已付覆蕉綠。霞想應償踏花躡。
把臂不覺意氣投。從此相隨戲壺嶠。君騎白鹿我青牛。
題范瘦生詩卷

寥陽夜半呼捉賊。祕籥元機被人竊。六丁望氣何處尋。
飯顆山頭光燄徹。其中端坐瘦書生。哦詩正作蒼蠅聲。
忽然攝到上方去。天神一見笑且驚。是何寒酸此公麼。
非仙非鬼非妖精。孱羸手無縛雞力。造句乃與千古爭。

甌北詩鈔

七言古三

三

兩間靈慧要儲蓄。留待陸續新耳目。一朝若爲汝泄盡。
後世那更有芳縛。速還夢象使腸枯。亟振生花教筆秃。
東方睽睽雞三號。一跌直下蒼霄高。依然落在飯顆頂。
風露冷逼霜顛毛。

清明前二日壽菊士招同棕亭再可立堂諸公泛

舟至平山堂卽事

我昔曾訪平山堂

已歲

小舟泛入菰蒲荒。到山欲問醉翁

蹟。數問古寺支斜陽。垂老重來景非昨。山色增濃水痕
擴。紅橋南北渺風漪。處處名園互鈎絡。一株楊柳一株
桃。五步樓臺十步閣。水學杭州裏外分。山疑蜀嶺東西

各好花得地態倍妍時鳥占林聲更樂舟行如駕羊車
游到處竹鹽畱住脚畫稿從誰粉本翻匠心直運月斧
斲平山堂子更鬱蒼紺宇琳宮入寥廓故物惟存勝頭

字

平山堂三字隸
書尚歐陽公款

其餘皆出新黜聖一勺清泠第五泉粧成

千層好巖壑信哉繁麗推維揚肯讓他邦誇繡錯爲問
締構起何時庚午年間始荒度自後踵事益增華一度
翻新一丹雘荒疇開出波濤泮平地壘成峯岬嶠古松
十圍桐百尺帶土栽來葉不落移山欲笑愚公愚陷河
幾同惡子惡到此始信錢神力直把混沌重開鑿坐中
有客唐子西偏嫌脂粉非天姿

再可持
論如此

此論未公吾不取

甌北詩鈔

七言古三

三

趣呼麪酒罰滿卮淡掃蛾眉鬪真艷古來有幾號國媿
縱復天生好顏色藍縷出見成何儀我昔踏遍西南徼
懸崖絕巘無限奇求一茅亭不可得解鞍藉草坐片時
又嘗遠浮湖湘水滄波萬頃極渺瀰苦無村館供小憩
聊復暫艤河之湄豈如此間景攢簇臨水有軒倚山屋
廻環不出十里間盡日探幽探不足百萬金錢粧點成
始供我輩來遊矚猶復雌黃議其後毋乃處福不知福

陽湖 趙翼 雲崧

萬安橋畔有夏將軍廟卽傳奇所稱入海投文之
醉隸夏得海也事見明史蔡錫傳中戲書其事

於壁

堂上方呼下得海。小吏應聲某斯在。遂令賫檄赴海投。
官已簽名不可改。歸來先學鯨。吸川一口直欲乾。渤海
黑風任墮毒龍國。白浪何須水犀鎧。正潮來處企脚眠。
蹶出劉唐尺八腿。是人非人鬼非鬼。巡洋夜叉見而駭。
急白鱓堂廣利王。有个糟豚可作醢。豈知明神助利涉。

甌北詩鈔

七言古四

一

特作報章答守宰。乘酒而出得醋還。酉月廿一址堪壘。
遂成鼉梁亘萬丈。雄跨鮫浦屹千載。蔡公祠旁嚴像設。
易換頭銜發光彩。生爲賤隸死將軍。香火至今雲鬣隸。
始知從古成名人。總山癡豈氣不餒。

戲本所演八仙不知起於何時按王氏續文獻通
考及胡氏筆叢俱有辨論則前明已有之蓋演
自元時也沙溪旅館有繪圖成軸而題詩於上
者詞不雅馴因改書數語於後

何人學作王老志。劾召鬼神示遊戲。把他多少古仙人。
亂點鴛鴦集。冠帔韓湘張果呂洞賓。此外載籍無其人。

由來化城本荒幻何必捫籥求其真天下都散漢竟作
時代看鐵拐無姓李或言劉跛子趙家外戚傳不聞曹
佾能修煉藍衫老采和丈夫忽變爲嬌娥又况何姑愛
酬答偏與羣真坐聯榻仙家想是無凡心不妨男女相
混雜舞衣今作畫圖傳此輩猶爲有漏禪少年狡獪非
我事舉手自拍洪崖肩

啖荔戲書

昔啖荔支在南粵食不知味爲忙碌老來忽作閩南遊
天補此翁饒口福端陽纔過初嘗新酸澁猶教舌本縮
一日一變到圓滿百顆堆盤紅菽菽甘夫人臥絳紗中

甌北詩鈔

七言古四

二

一擘驚看白如玉豐腴應笑只識酥鮮潔兼令不思肉
就中一種更尤物核小而尖誰結束魚無刺蟹無甲
快事乃在佳果熟乳軟不煩齧齧勞蜜甜兼徹中邊複
托根豈植沒骨山結實偏徬虛心竹始信人間有絕品
柳酒蔗漿總凡木楊梅幸出半月前不與同時入市鬻
趙家姊妹將入宮媿好早避長門宿龍眼在旁也狡黠
故緩登場暫退伏玉環去後無美人如仙媛亦伴幽獨
只有李桃不自量正用此時綻如瓠自恃猶思邢尹爭
相形已覺輿臺辱老夫目翻君謨譜品題直到江家綠
彈圓箏脗次第嘗擬徬前賢增手錄人情最愛側生兒

忽引鄉思頓撥觸

同安道中遇雨

尋山阮孚自蠟屐。因人作遊。本非策。我行夜過漳南道。
那許人多虎無迹。一燈遠店紅。有光千樹深。林黑無隙。
曉色夜色兩相迸。此段清暉最可惜。不知是烟還是海。
但覺茫茫一片白。少焉日氣蒸霧來。熱逼鬚眉不可隔。
方延朝爽輿。舉帷已炙午。歛衣透綌風聲雨。聲山欲坼。
水帶泥流滿溝。赤直疑中有蛟龍鬪。湧出空山血盈尺。
是時老夫心膽裂。本欲快遊。翻受嚇。惹他旁觀笑何苦。
乖老翻爲瘴鄉客。

慨北詩鈔

七言古四

三

漳州木棉菴懷古

快事千秋一拉齊。我爲天下殺此賊。木棉花底血流紅。
血紅花紅共一色。憶昔平章正少年。夜遊燈火滿湖邊。
門高戚里連宮掖。朝倚長城奠海延。勲名蓋世誇援鄂。
暗許金繪有成約。歸去翻矜却敵功。福華一部書韜略。
正當北國造基忙。留得南朝處堂樂。是時黃閣倚天開。
葛嶺初暘改舊臺。五日都堂班絕席。百僚文案稟鈞裁。
買田供饋邊軍費。增儼牢籠太學才。多寶閣成晨躡屐。
半闕堂靜夜傳杯。威行玉帶重泉取。權効金輿大祀回。
以去要君天子拜。暫歸葬母太皇催。廿載湖山紛綺繡。

不堪砲打襄陽透圍城久絕虬螭援相府方酣蟋蟀鬪
事急倉皇再出師橫江戰敗難遮覆潰兵旗亂喚誰磨
逃將舟迴呼不救昔人曾恥言和議謂是偷安無志氣
到此翻思秦會之乞和未必非長計早知諾責召鄰兵
悔不盟書輸歲幣有詔師臣誤國謀山陰小吏正懷讐
願充押伴炎方去狹路相逢南劍州捧詔來呼賈團練
巾車去蓋無呵殿杭歌嘲客夾途多閩檄逐人傳帖徧
已問吳潛何故來况堪葉李重相見當年意氣壓公卿
今日仰看丞尉面黯黯江清不肯投猶恃國恩延一線
漳寺喬柯陰碧穹老拳於此逞英雄雖輸王著揮椎早
甌北詩鈔

七言古四

四

已勝施全刺刃空笑指木棉花樹下破銅山賊有奇功
可憐此樹無端辱長使遊人訪遺躅一樣投荒故相來
累儂不作萊公竹著花亦將呼醜枝息陰或更比惡木
風聲夜半似號窳老樵精吟非鬼哭

諸羅守城歌

上以諸羅士民力守孤城特改縣名嘉義以示獎勵今仍舊名者守城時尚未改名也

諸羅城萬賊攻士民堅守齊効忠邑小無城只籬落眾
志相結成垣墉浸尋百日賊益証環數十里屯蟻蜂援
師三番不得進山頭連夕惟傳烽是時矛戟脩羅宮陣
爲天魔車呂公

賊用枋車來攻爲砲擊碎

吼聲轟雷震遙岳噓氣滄霧

迷高穹孤軍力支重圍中草根樹皮枯腸充翾飛鳥雀

不敢下。恐被羅取爲朝饗。裏瘡忍餓猶折衝。壯膽寧煩
蜜翁翁。百步以外不遙拒。待其十步方交鋒。一砲打成
血。衝衝尺腿寸臂飛。滿空戈頭日落更。夜戰萬枝炬。火
連天。紅何當范羌拔耿恭。赴援艦已排黃龍。曾有長風
起西北。揚帆直達滄漠東。

颶風歌

昔聞海風颶最大。我今遇之鷺門解。誰將噫氣閉土囊。
一噴咽喉不可搯。齶齶萬鼓排陣來。羣才盡作低頭拜。
鬱怒似有塊磊填。憤盈直覺虛空隘。鬼魔掀動大擺摩。
虎豹吼裂山。破壞立脚雖穩尙愁倒。對面相呼只如贖。

甌北詩鈔

七言古四

五

可憐鸛鵲亦不飛。恐被狙出青天外。是時習流千戰懼。
眼望赤嵌不得到。湧浪上薄浮空雲。濺沫橫轟發機礮。
盡排鷓首椽杵牢。猶自終宵驚簸掉。風名颶母應雌風。
胡爲更比雄風雄。想從少女封姨後。老作陰怪多神通。
多神通。何不吹轉颿向東。不然竟刮海水竭。平步可達
扶桑紅。吾當綠章上箋奏。俾爾配食天妃宮。

贈李我洲孝廉

交誼從來在生死。世間乃有真義士。贊皇出築籌邊樓。
中有叅謀同姓李。手裁峭不受人憐。議論平能令公喜。
一朝劇賊起隴東。殺吏攻城捷若風。書生袴褶催上馬。

馬蹄血滑頭顱紅前鋒戰敗蜂豹集一日羽書三告急
空城孤守無一兵賊來便可攀堞入此時守臣惟一死
散遣賓朋盡雨泣不曾食祿爾何人乃願同膏寶刀灑
肉將尸隄林下填魂已鬼門關畔立問道援師會天幸
倘緩須臾必無及旋收殘旅哀散亡再選新鋒嚴伍什
整軍重卜梟鳴牙蹴賊漸看豕入苙

詔按封疆失律誅檻車連夜趣追符矢石已教同死地
髡鉗那更伴危途夕陽亭下人揮涕慷慨從行更高誼
一諾甘償國士知千金笑却通侯幣生須寧武橐餗隨
死要劉潛收骨瘞或傳槃水將加誅或揣圍扉但頌繫
甌北詩鈔
七言古四
六

消息還憑郭解探艱危屢出陳平計緩死爰書下

九閭更從請室慰生存論詩消遣纍臣寂降氣周旋獄
吏尊早入鈴柳喧未歇夜占貫索澹無痕春來秋去聰
前草曉謁宵還陌上輪直待賜環方告別已經四百五
晨昏義聲從此流傳遍多少公卿求一見我亦聞名想
下風只疑髮髻虬髯而急裝足裏豪豬鞞奇服腰懸鹿
盧劍豈知今日一班荆弱不勝衣太瘦生傾座清言霏
不盡分題險韻鬪先成衣縞蘊藉無凡格花月留連有
勝情妾解吟詩奴識字荻簾氣味一家清翻怪屢軀耐
驚恐由來仁者必有勇才工大禮賦爭傳名到上邦門

愈重始信人間節。俠流原須出自風雅種。

軍中擒獲逆首林爽文檻送過泉紀事

木籠裝囚語啾唧。兵衛簇成片雲黑。不須露布曳長緘。
夾道爭看海東賊。海東賊本一細民。豈讀兵書習部勒。
半夜無端嘯挺戈。殺吏攻城血流赤。是時鼎沸雖披猖。
猝起猶堪滅朝食。後先航海諸宿將。持重養威示不測。
隔海調兵動幾旬。兵添一萬賊添億。孤城遂困重圍中。
糠粃俱空煮履革。倘非

廟算決大舉。絕島妖氛幾時熄。卽今就縛入檻車。不過
圍牢一豚脂。若論經歲軍賞費。千兩黃金一兩骨。

甌北詩鈔

七言古四

七

戲筆

一卵課一雞。疋絹八百梨。驅驢索輔脊。送騾嫌跛蹄。見
客吐瓜皮。取啖不嫌泥。東門受羊賣。向西馬豆作粥噏。
其妻銖積而寸累。管鑰手自稽。一朝委骨青山蹊。荒墳
無人鳥自啼。

臺灣俘囚絡繹檻送內地再作凱歌

海風恬海波闊帆檣絡繹釋執俘歸口。目睢吐賊猶活初。
疑海外人琵琶之腿碌礪身齒。可嚙鐵碎手能舒鈎伸。
誰知入蒐獮狢狢一羣犬。吳歪頭陳弔眼爾勇伊何面。
徒視當時若早勤。搜爬咀爾不搖牙。踢爾不用靴。胡爲

養威洛姬肚大於宋公鼓羽檄經年始就擒已費
廟謨遣龍武嗚呼一雞何用牛刀割不是牛刀割不得
朝端應有黑頭公世上乃無白頭賊

夜行曲

雞未鳴月先墮陰風蕭騷滿天黑夜迷失道踏坎呵暗
中有鬼不露形但閃金睛赤如火老夫獨持正法眼定
光自放青蓮朶天明但見塚纍纍斷碣無名草沒髀

武夷山

生平踏遍天南戒一隅尙缺甌閩界武夷欠我遊山緣
我欠武夷作詩債天風借我便羽翰雙鳥飛墮來崇安

甌北詩鈔

七言古四

八

正當春水發刺篙可以泝急湍路如螺紋旋一曲一改
觀懸崖奇巘不可狀畫手欲寫愁荆關想當開闢初天
神早有倭扁般各出新意弄狡獪運斤斯斧斲出千巒
旡幔亭峯更在天際傳是錢鏗會孫夜宴地仙人亦有
故鄉情招飲山下之人萬千計雲璈朗奏碧月清錦幄
高張彩霞麗當時厨饌太狼籍鳳脯屬鷹到奴隸
笑他後世秩祠官一片乾魚也供祭勝會一散三千年
至今寂寞空雲烟太白廬山謠東坡羅浮篇各山例有
名人傳茲山雖有考亭擢歌句儒家氣象不稱上清八
洞仙老夫偶來過或亦天假緣笑語武夷君倘可與君

兩連翩

李忠定公墓在福州懷安桐口大安山

靖康如用公或免北轅辱建炎如用公或免南渡感敵
退公亦去敵來公已逐徒令後世悲擯棄何補當時計
恢復有宋李忠定有明于忠肅皆當天地翻力欲奠坤
軸一則言不用身存國被蹴一則言見從國存身被戮
若論純臣心豈願全軀國家覆懷安桐口青山麓我過
荒墳淚盈掬生無百日立朝端死有一坏留海曲

樂清北境可入天台歸途不及往遊賦以解嘲

會讀興公天台賦赤城霞起艷海表我行永嘉途可通

甌北詩鈔

七言古四

九

便擬芒鞋往幽討前路但問人口說身雖未經已了了
獨思劉阮誤入時看花遊客知多少蕪菁裹飯獨相引
想爲兩生顏色好仙家也復愛少年自嘆形容已衰老
深恐麻姑爪未搔駘背先打鞭絲飽一笑迴車速歸去
任爾落紅紛不掃

子才書來有桐鄉秀才程拱字少年美才手繪拜

袁揖趙吳蔣三圖蓋子才及余并亡友心餘也

自謂非三人之詩不讀可謂癖好矣書此以復

子才并托轉寄程君

唐初詩人各標置品題乃定旗亭妓千年佳話復見今

不是女郎是佳士。蓮花如面好風姿。香草題詩艷才思。
拜袁揖趙哭蔣君。手繪成圖供去聲清閼衛軍。同日進三公。敬則武夫出不意。老韓合傳縱被嘲。亮瑜並世豈須
忌。得君一揖已足。幸敢望五體俱投地。我觀李杜兩大家。吹臺同遊早結契。青蓮落落賦飯顛。少陵倦倦慮魑魅。當時聲望李獨高。後世才名杜寧次。貴不可卿賤乃卿。人心何容設軒輊。獨羨隨園文字交。福比香山白居易。居易易名先元九。齊晚更劉郎。觴咏繼遂稱元白。及劉白陽五伴侶。隨時異翁昔買鄰。有心餘近復把我入林。臂前呼袁蔣後袁趙恰與醉吟同。故事舊遊已記三徑。

甌北詩鈔

七言古四

十

開新知兼數一樓倚天生詞垣。兩後輩似爲此翁助聲氣。程生作繪定可人。雅尙所存非漫戲。繡絲已肖平原像。聞笛兼下山陽淚。三分鼎豈吾所堪。一瓣香知渠有寄。座有揖客自增重。我亦本非折腰吏。
兇觥歸趙歌

觥爲吾宗常熟文毅公劾江陵廷杖出都時許
文穆贈行物上有銘詞所謂文羊一角者也後
流轉於黃端伯陳潛夫章藻功何楚音諸家近
又在曲阜顏衡齋處翁覃溪詹事以告文毅五
世孫者庭者庭將以玉杯易歸而乞覃溪文爲

乘韋先并遍丐諸名士作詩張之以要必得余
故者庭父謹凡先生門下士且羣從行也不可
無詩爰爲作歌

相公父死宜歸哭相公不歸門生促白簡纔上赤棒來
午門前濺書生肉柴車一兩削籍行良友贈之青兕觥
神羊一角理沉黜銘詞親鑄鐵筆鏗羹勺班中一禮器
朋酒絲衣肅賓祭胡爲翻入纍臣裝率彼曠野竄榛翳
緣知餽贖寓意深要寫觸邪力最屬當日權門勢炙手
虎豹當關誰弗避奪情疏忽出延陵削牘繼之亟奮臂
薛孤延與霹靂鬪鬚髮俱焦呼震地拜杖并不噙蚬蛇

甌北詩鈔

七言古四

十一

家有渾身膽堪試此段錚錚百鍊剛伉直豈惟杜蕢解
一株犀角斲成杯恰肖透骨冰霜厲是宜什襲逾瓊瑤
長與腊齒藏宗祧何年流轉出人世主雖屢易器尙牢
頗聞魏公傳家笏近傍顏氏陋巷瓢神物將歸有先兆
邂逅單溪爲介紹初孫凜然念先緒誓返故物弄家廟
已琢玉卮爲厚償復乞椽筆作先導杖瘡忍痛祖宗烈
捲澤興懷子孫孝此意應蒙航主憐會見完壁速歸趙

酬喬生郡博見贈韻

時擬分體重編拙稿喬生代爲訂正

力不能干仞鑿山通功不能九年面壁窮三錢筆作千
古想原是天地一愚公甌北老生好吟者墨瀋淋漓快

奔瀉作詩不到古人處正坐貪多難割捨晚知裙摠百
無成設版擬築焦瑕城十七史從何處說時已秋穫方
課耕先生鑿裁擅隻眼苦心肯爲披沙揀不辭格佞作
諍友要証千年鐵門限編成更贈琳瑯篇榮逾四明呼
謫仙深源幸免高閣束后山翻托瓣香虔古人著作不
容贊堯典舜典俱點竄化工著色真妙手紅霞一染半
天爛堆盤火齊光眩眸干將出匣萬鬼愁長鯨尾掉碧
海動大鵬背負青雲浮我於其間敢充數食蓼搬薑祇
默喻曉粧顧影枉自妍未足招他尹邢妬感君謬許爲
傳人化牡驪黃賞有神用李諧短吾技淺藏魏公拙君
甌北詩鈔

七言古四

七

意真獨慚老學昧雌蜺炳燭餘光徒勦說少年精力不
焚脩垂老方覓燒丹訣

題洪稚存寒檠永慕圖

慈母機上絲孤兒案上書併入寒檠影映壁光黝如此
是景盧舊流寓老屋三間白雲渡卽今青熒一炷燈化
作萬丈光芒吐著書藜照太乙分博物犀然百怪懼幕
府銀釭供草檄鎖廳椽燭待奏賦此檠好棄牆角邊偏
寫殘輝誌哀慕覓火常思束緼時映窗肯忘燃糠暮非
是母不生是子始信義方教有素我來買宅雲溪濱君
已別移通德門里中老嫗尙能說君家篝火連朝燉悔

不早遷。依孟母師他家法。教兒孫。

題褒忠錄

郝景春江都人。明崇禎中爲房縣令。時總理熊文燦撫賊安插羅汝才白貴黑雲祥等於其地。卽所謂曹操小秦王整十萬者也。張獻忠反。穀城汝才等應之。城遂陷。景春及子鳴鸞僕陳宜俱死。揚人輯其事爲此錄。

房縣城頭殺氣黑。死聲入鼓鼓皮裂。一片刀光滿地來。頸血如湯浴鐵熱。臨危殉節豈所難。所難與賊共彈丸。先是寇氛猶未熾。封疆失計在招安。守臣主勦不主撫。

甌北詩鈔

七言古四

三

總理令來誰敢阻。可憐小邑萬山中。分插賊營十四五。大吏以縣爲鄰壑。醜徒視城作外府。卧榻旁偏睡有人。窮山坐乃衛以虎。是時勢已養癰成。制客兵須仗主兵。問道乞師百不應。獨教一木去支傾。一朝賊魁鄰縣起。此地羣兇盡。設矢殘黎二百急。登陣分梁當衝半餒鬼。陰風一刮立不牢。城頭亂落如飄藥。亭士并無妾可烹。簽兵已嘆民皆死。雉樓月暗燈無光。綠梯萬蟻上女牆。賊願得城活君命。君拚捨命隨城亡。嗚呼臣死國子死。父僕死主一門忠。烈入汗青碧血斑。斑照千古想見強。魂作鬼雄不屑人間淚如雨。

同年胡豫堂閣學視學江南相見話舊賦呈

三十年前共館閣。薇省花磚履交錯。三十年後重相逢。公作名卿我老農。感公不隔同年而尊酒。留髡恣談讌。

在京時兩家內子相往來。今公夫人及令子俱歿。

此日雲泥尙弟兄。當年閨閣如親弗。話舊重添骨肉傷。撫時各歎鬚眉變。鬚眉雖變亦何悲。丈夫出世要有爲。如公遭際最堪羨。獨以精白結。

主知子公氣力能援進。公於權要不通問。彥昇晚節爭詩名。公於壇坫不角聲。迴翔散地無營競。十年偏屢持文柄。似水心懸物論平。無花眼在文風正。九霄月旦品題高。一代斗山聲望負。致身至此亦足豪。報國文章功。

甌北詩鈔

七言古四

十四

已炳愧我辭榮太。作顛早拋簿領守丹鉛。乘軒野鶴知無分。舐掌孤熊祇自憐。只慚如此昇平世。徒把精神耗一編。

芷塘南回謁我於揚州喜贈

一十五年纔一見。見來又隔十年。而今朝何幸得相逢。握手却驚顏貌變。憶君二十登蓬瀛。干將出匣千人驚。篋節掄才半天下。新陰桃李多豪英。分得餘光到裴皞。

門生門下見門生。改官柏臺筆如帚。白簡威聲震朝右。

瘦羊官乃索肥羊。合口椒難禁開口。立仗馬鳴雖可怪。

躑池鳳噤實所醜。君劾司業某索賄事。人情欲比王拱辰。臣力尙慚。

朱伯厚呼嵩禮畢乞身歸金匱觚稜莽回首書生命不
到公卿且向吟壇作主盟死後榮名生前福二者未知
孰重輕老夫年來效啞啞白首掩關同調寡舊文已看
零落盡後生又以老耄舍君來頓覺起我衰豈但離懷
得傾寫敢從行輩說後魚先比旌麾有前馬鞵材遣向
文湖州雲氣長從孟東野東南詩社自此開一笑人間
誰健者

大柳驛相傳爲趙韓王授徒處

館師封王齊博士後有宋相繼前軌大柳驛邊老學究
家塾聚徒擁烏几身爲儒乃術不儒奇許居鄴智樗里

甌北詩鈔

七言古四

五

火輪小兒未爲帝勳名最是入滁偉首塗募得李左車
軍籌敬聽發蹤指滁州城西蘆子乳趣使潛度勿移晷
半夜遂成懸瓠擒膽落金陵東海鯉佐命功高自此基
帷幄叅謀契魚水陳橋變後作首相十年前一村夫子
遇同臥龍岡下奇迹豈抱犢山人詭眷深不諱瓜子金
權重咸知鼎鑄耳半部魯論佐天下猶似不忘兔園紙
書味終淺機心深歷事兩君保終始金滕自明家相緘
桐圭竟擠介弟死嗚呼一代元勳勒太常千秋公論歸
青史磨盤山前訪遺迹門巷已非村落是惟有村童讀
書聲都都平丈喧不已

廬山紀遊

廣陵濤接潯陽濤。夜夢五老來。相招趣辦芒鞋青竹杖。
要我去踏廬山高山靈。此約意良厚。那禁屨及室皇走。
遊山不憚千里遙。痴興古來亦罕有。江西詩派江西人。
大都少肉多骨筋。廬山亦復犯此病。青屏片片摩穹昊。
要其靈秀有獨絕。雲爲海綿瀑天紳。必逢蘭若始一憇。
不是遊山是遊寺。四禪林乃各擅奇。瞻雲秀峯
萬杉棲賢占盡泉聲與嵐翠。右軍墨池僅方塘。昭明書臺亦已荒。萬杉之杉
不盈百。棲賢舍利黯不光。寺貧僧亦少。粲可蹟湮碑并
無宋唐。惟有景光略不改。銀河仍挂三石梁。礮轟直與

甌北詩鈔

七言古四

六

霹靂門。鼎沸不許蛟龍藏。五老鬢眉更奇古。昂精所化
頽而長。見我褰糧踐宿諾。似爲拱揖相低昂。我來歷遍
諸方丈。移步換形莫名狀。輿夫十二健騾九。如此遊山
太豪放。當年李青蓮香白山歐陽蘇。未必有此行色壯。獨愧
前賢寂寞遊。其人已往名長留。未知今日扶筇叟。可有
人傳趙倚樓。

剝皮山

鄱湖旁。一山皆積沙。所成不生草木。如物之去
皮而無毛者。土人呼爲剝皮山。相傳明太祖追
陳友諒至此。友諒忽不見。得逸去。明祖怒山之

鹿奸故褫其皮云語極無稽然可資笑端也爰
演爲詩

寸草全無山骨露皮之不存毛焉附傳是蒙茸會鹿奸
剝之出自真主怒古來殺機深多有法外刑冤句春磨
寨粵漢刀劍林牽機腸絞李煜斷夾板腰鋸孫揆擒剝
皮之法獨未有阿合馬會橫兩口明祖用之殺貪吏剝
皮場開縣門首後來或踵事慘毒試亦偶擅草狀行屍
蒙鼓誌獲醜要只誅人不誅山山豈有皮如虎斑縱遣
庖丁批竅卻新斲亦恐奏技艱胡爲臀无膚兮頭寡髮
爲破而鬼無容顏未得麻姑搔背快翻如那吒拆肉還

甌北詩鈔

七言古四

七

孫臏削來竟夜白劉邕啖後遍體殷得非興王威令赫
五丁六甲齊助薙草管文叔渡滹沱無船冰卽凍婆留
照石鏡崖壁悚而動蒙哥征欽察海涵聽騎縱皆祇應
運效一時運過百神未必奉勝國版圖今久革嶽鎮寧
猶受屬役何妨迴枯再生稊乃竟噬乾朶作腊幾同巨
靈劈華終古分不數秦皇赭山至今赤噫嘻乎齊東野
語原無稽姑妄言之妄聽之一笑髡黥不毛地何時樹

鬚兼藝眉

題奇詩奇此公故不肯放過收

浙二子歌贈張仲雅程春廬兩孝廉

搖筆爲詩便傳世傳人將塞遍天地何以迢迢千百年

代只數人屈指計乃知異才不輕出河嶽英靈有深秘
老夫生平閱人多物色常愧一目羅何期垂白倦延訪
眼中突見雙巍峩張郎裾屐名卿後閉戶披吟失昏晝
工夫手累十二碁學殖胸包廿八宿險語不顧鬼膽破
奇思直穿月脇透危幢側足都虛緣猛火焦鬚霹靂門
程敲金將爛似泥來嚼鐵且爆如豆摘驪頷珠寧待睡
探虎穴子不畏吼一聲喝我數日聾

張君狂贈
七古一章

三昧乞君

甌北詩鈔

七言古四

六

槍。半。段。栗。礮。兼。使。牙。兩。頭。明。珠。走。盤。面。面。到。機。絲。入。扣。
乙。乙。抽。顧。我。豈。當。一。揖。重。對。君。方。欲。五。體。投。

程君即繪拜袁
揖趙吳將圖者

文章有神交有道晚年乃見此二妙倒屣遑知論輩行
款門幸不棄老耄譬如衰嫗遇麗娟又似退將逢票姚
歛眉敢復誇塗抹曳足猶思觀鼓噪褊衷我非不妬才
欲與一決爭行校却恐難堅背水陣不如早築避風臺
乃知歐陽讓頭地正懼相逼先相推一言聊爲作嘴矢
天下人才浙二子他年應並坡谷傳此日敢將湜籍比
夫連日翻閱前人詩戲作效子才體

古來好詩本有數可奈前人都佔去想他怕我生同時

先出世來搶佳句。並驅已落第二層。突過難尋更高處。
恨不劫灰悉燒却。讓我獨以一家著。有人掩口笑我旁。
世間美好無盡藏。古人寧遂無餘地。代有作者任取將。
浣紗女。亡出環燕。拔山人。去生關張。真仙不藉舊丹火。
神醫自有新藥方。能勝大敵。始稱勇。豈就矮人。乃見長。
君自不登樓。百尺空。妬他人在上牀。

孫介眉太守招同霖岩丈暨立菴樸齋食鱧魚頭羹戲爲作歌

孫公治具擅精巧。就中鱧魚羹。更好習家故。有百畝池。

魚出君家鶴蕩

網得修鱗。侑清醪。從來一物有一味。一味中又各。

甌北詩鈔

七言古四

五

分地猩以脣見珍。熊因掌斯嗜。豪誇紫駝峯。官賞爛羊胃。
雞蹠矜廚娘。牛心啖名士。卽以水族論。腴髻應候異。
蚌推瑤柱鮮。鼈取甲裳膩。是知一物身。肉又別粗細。
鱧魚之美。乃在頭。頭大於身。如兜鍪。雖不能戴。蓬山觸不周。
却。有雋味。凝入活。鬪體本非冬。烘狀詎有風。眩愁負此殊。
尤秘不得張。腮鼓頰突。兩眸似欲出。頭地策動岸頭侯。
肯作元談居士縮頸項。并非白簡參政鯁咽喉。先生顧而笑。
其中有奧妙。爾旣奮頭顱。作高敖。曹何妨。成爾斷頭將軍號。
於焉奏車斤藉席。藁調以滑甘。滌髓融皂以辛辣。桂薑擣火攻炭。選鶉鴿青武煨。文煎百沸到。

湯老客來薄。暮始設食。割烹乃自天。未曉一盃如缸。擊
出堂。果然香味先向鼻。觀繞豈無水陸諸珍並羅列。都
作元白被壓倒。老夫不覺攘臂舉饒。批太岳今朝纔一
飽。朶頤且快我。咬咀碎首那顧他。苦惱此魚昨夜游濠
梁。定已夢人伏而鹽其腦。

金川門

大本堂摧懿文死。應立燕王爲太子。以賢事皆順。
孱孫亦得免刀几。乃留弱幹制強枝。召亂本由洪武起。
臨濠奮跡開草昧。豪傑才兼聖賢理。目不知書性有書。
每就儒生講經史。檀弓開卷重立孫。春秋特筆譏逆祀。

甌北詩鈔

七言古四

三

千年成說牢不破。此語燕閒久入耳。遂將神器付太孫。
分國諸王稟同軌。豈知釁卽起。蕭牆臂小何能使。巨指
削籬方工。鼉錯策構兵。遂蹈張方壘。王師轉戰力不支。
夜半翻城九江李。袞冕燼灰火滿天。縉紳赤族血流水。
可憐十丈金川門。慘過晉家蕩陰里。向使當初改建儲。
叔正青宮姪朱邸。臨淄自能厚本支。臨賀豈遂干倫紀。
何至一家骨肉殘。冢嗣翻成若敖鬼。我來經過吊陳跡。
終覺高皇計失此。處常無事貴守經。銷患未形難據禮。
徒將誤國咎方黃。猶未窮源推禍始。

郡城菊事甚盛。與立菴雲驥曉。東子蕃緘齋。更番

治具爲看花之會流連匝月不可無詩

人生何者是真福。飲酒看花一生足。只愁此願徒虛語。
讓他樂死。羨之獨今年。秋稔人豪華。家家買菊堆成霞。
老夫聞之興勃發。招邀同志爲窮奢。看花先不可無酒。
治具更番賭適口。官場珍錯盡不用。惟取活殺飛潛走。
黃雀綿厚耐。咬咀紫蠟甲。堅費剔剖就。中尤數高家。肴
綠頭雄鴨。九斤九累人。啖到腹彭亨。翻惱厨娘太好手。
有時酒後出看花。相攜闖遍東西家。到門不復煩典謁。
直入赫煞雙鬢鴉。亦有自排花當去聲。整徹夜張燈對花
飲。紅燭高烧照靚粧。坐到四更風露冷。間日必一集。一
甌北詩鈔

七言古四

三

集必竟日。那顧酒債增。但恐花事畢。嗚呼此樂不易得。
偶然遇之莫輕擲。百年能有幾閒時。一鄉能有幾閒客。
不見袍鞞踏鼓人。陶家籬畔無游跡。

至揚州約同人作青魚會會將遍適子才至又更

互設饌迭相招陪今年口福殊勝也戲呈子才

及諸同人

先生今年口福高在家一月。飮老饜揚州。又作青魚會。
招邀素心。凡幾輩。此魚宜冬不宜夏。及冬不食復何待。
揚人不識魚味。殊饒奴只解尋腹腴。怪我專以骨敬客。
留肉自享。主誼無久之始悟。美在此近骨者佳。頭與尾。

遂令此魚價頓昂。哄得滿城動食指。同儕排日迭傳杯。
忪殺籃輿往復回。吃到輪番剛欲遍。隔江又報故人來。
故人來復遞相欵。雅集重開續宴衍。連朝傳食東西家。
自家翻覺厨烟斷。噫嘻乎人生真樂惟食色。少年已過
不必說。久將嚼蠟看橫陳。只要殘牙快。舖啜如此歡場
動淡句。庶幾不負暮年身。斷齏咬菜成何事。老去甘爲
飲食人。

題錢曙川竹初庵圖

圖名竹初庵。宜寫篔簹谷。竹萌桃正華。乃以桃伴竹。寫
出十株百株紅。映入三竿兩竿綠。作圖時正擁印牀。敢

甌北詩鈔

七言古四

三

期結願後必償圖。成七年竟踐諾歸。購娉嬛手荒度青。
蚪落到雅人手。幻出荆關得意作。雖無萬竹千桃花。小
山有硤池有衍。朝川長卷縮本摹。半畝中廻幾林薄。君
才況擅畫詩書。興到解衣一磅礪。幼輿遂置邱壑裏。身
兼富貴神仙樂。看君出仕看君歸。我亦當年早息機。只
爲買山錢太少。至今未就釣魚磯。羨君園成頭尙黑。不
改圖中好顏色。趣取腰強脚健年。儘消臨水登山力。其
高或可攀。其年不可及。

述菴司寇新刻大集見貽展誦之餘爲題長句兼

塞翁失馬何足惜。先生奇遭在削籍。紫微郎剩白衣身。
萬里從戎歷重譯。當日都門送臨賀。分岐誰不悲遷斥。
豈知官秩從此高。詩亦從此窮風騷。滇南三載蜀五載。
踏遍徼外地。不毛路爭鳥道入。穹漢渡尋象跡。翻崩濤
石。凋木柵。番落屋。鐵索竹竿。蠻江橋。炎鄉三冬。輓雷吼
陰嶺。六月陣雪。饗洪荒。以來人不到。奇景留待公鑱雕。
吟毫旣得江山助。况值羽書正馳騫。弓刀隊裏一毛錐。
百萬貔貅聽指顧。矛頭米泔咽風餐。盾鼻墨磨揮露布。
一礮人頭落滿空。千燈鬼火攔行路。裹屍之革。浴血刀
逼出才人。揀命句。遂令椽筆鑄偉詞。上掩白狼。下朱鷺。

甌北詩鈔

七言古四

三

卽今奏凱十五年。卿月崇班已屢遷。煌煌大集亦鏤版。
光照四裔聲摩天。就中突過黃初處。終屬淋漓橫槊篇。
倘非參軍入蠻府。平步公卿享華旌。雄畧雖餘捫蝨談。
壯心誰激聞雞舞。南山詩不如北征。只爲未經戎馬苦。
乃知絕域烽烟中。正是玉成大名古。獨憶當年老趙岐。
與君同出不同歸。挑燈別閱媿隅集。痛絕空山暴骨時。

璞函從軍演習
有嫌隅集十卷

舒城題旅店壁

日將沉路難進。溽暑中人頭目暈。布帘飄處旅店招。馱
鈴騎鞭一齊奮。到來暫喜息勞筋。違計洗塵覓佳醞。炊

烟熏屋墨穴黑青蠅成圍蚊作陣與天騶卒紛肩摩咄咄逼人何太近汗漿迸出葱蒜汁其氣臭於牛馬糞一笑閒雲野鶴身失足無端落藩溷

汪屏周二尹買菊作花當招同宣莪士檢討楊恒夫明府及蓉溪霖岩學晦緘齋諸人讌集凡八十以上者五人餘皆七十以上余年六十七得與焉立庵更小於余最後至以末座讓之合座十人共七百七十歲鄉社中盛事也不可無詩汪倫大耋猶踴躍菊花排格開長筵老人愛老邀老伴鬢眉白映紅茸墮首座宣公八十四其餘次第差隨肩

甌北詩鈔

七言古四

五

共年七百有七十坐以齒序爲後先若教併作一人壽已在北宋熙豐前是時滿室明燈燃燈光花光相新鮮

因聾倍作大聲語有警不得捷鬪拳

蓉溪稍聾霖若盲而能賭酒

嘉肴雜

陳飯能健畫燭已炷坐尚堅効人勿怪太矍鑠不爾何以能華顛古來安期浮邱輩只在塵世非在天吾曹倘傳入圖畫安知後不驚爲仙賤子未及古稀歲殷兄張丈殊相懸故事叨援洛社例附庸俾得隅坐偏無端藉詡最後至末席不免爲之遷累我温公做不得百杯罰此惡少年

曉東小巖香遠邀我神仙館午飯至則坐客已滿

再往半山玉流諸館亦然作詩誌慨

歸田二十年市脯未入腹吾友貪養頤誘我作近局云
有神仙館珍珠擅所獨炙蹠武火煎炊餅熟熬熟尤推
魚頭羹遠追宋嫂躅老饕一念差隨之走坊曲酒肉氣
熏人未到鼻已觸入門擬大嚼座客乃滿屋縱橫數十
筵無隙可布褥見我傲不禮噉而睥其目彼既佔地先
吾敢下令逐王式本不來受此驪駒辱一笑舍之去再
歷館五六喧擠聲一槩並少席半幅歸來忽長嘆茲乃
無底谷一館百十人各破牀頭簾館館盡如斯日費錢
幾斛自非物力豐曷此肴饌驚君不見古來饑荒載篇
甌北詩鈔

七言古四

三

贖水擷鳧茨野采藪圍城易子薪析骸屠肆賣妻格懸
肉履拆牛革燂湯臭壁搜鼠穴熏烟毒斯時闔閭景可
知市有醉人已奇福睹茲舖毀糜金錢足見昇平調玉
燭已幸生遭繁盛時惜無力挽奢靡俗

雜書所見

我詩愛人讀好友來激賞對我長吟之快若搔背癢可
惜我讀古人詩古人不見我拊掌乃知相需般相遇偏
多爽九原弔隨會不聞鬼苔響峴碑淚空墮叔子已長
往所以虞仲翔生前每切知已想

偶得一奇聞如獲珠滿斛豈知博學人胸中已爛熟君

不見瑯琊稱十歲兒已腹笥蓄。又不見金根車名父之子。猶誤讀乃知太倉一稊海一粟論衡未可矜秘牘。猿豈無樂時鴉亦有喜處。只因其聲似哀怒遂使人人悲且惡。君不見潘安仁恬退賦閒居難掩拜路塵。又不見蘇子卿風流娶胡婦寧玷志節貞。丈夫自立貴有素身名成敗非旦暮。

羽族色一定千古不改易。卵生歲歲增烏黑鵠必白蹄者則不然。父子或各殊。犂牛出辟角白牡生驪駒。乃知本乎天者有一定落地便多雜。氣勝光音天人不肯食地肥只爲保他本來淨。

甌北詩鈔

七言古四

美

物生有限制。傅翼者兩足。蜻蛚乃倍之。翼四足則六。是宜橫四海。瞬息千里速。胡爲欸欸飛。竟不踰牆屋。輕只立釣絲。捷但點波縠。乃知技雖多。早爲器所局。鷺鳩且自捨枋榆。燕雀勿輕慕鴻鵠。

錢鏐照石鏡見已如王侯。遂渡江討逆。雄霸十四州。傳國及數世。英名至今留。吳曦出獵歸月中。有人揖遂發南面。想叛降覬册。立一旦安丙來。頸血歐刀濕。或謂有先幾。鬼神實導之。而我不謂然。視其所自爲。使鏐乘亂起。閉門作天子。安知杭州城不作董昌死。使曦效忠勤。聲援淮泗軍。百年忠孝家。茅土豈不分。乃知雖有富貴。

命亦須順受得其正

少時不敢望六十。今我過此願轉除。乃知切已處。食癡老愈加。君不見白首種松期。偃息後來未覩干霄色。又不見九十食柑種其核。種成又得十年食。由來修短非人工。莫拋現在期無窮。

王樓村先生十三本梅花書屋圖爲其曾孫少林

賦

十三本梅繞書舍。樓村夢久傳佳話。我昔曾讀初白詩。知是鴻臚禹鼎畫。今遇文孫始見之。三尺素練色不壞。綠萼六株紅七株。屋後屋前各分界。恍遊雪夜紅羅亭。

甌北詩鈔

七言古四

三

不作月明綉衣怪。樓村本是梅花仙。百花頭已符靈箒。一十三本是何兆。其應當在世澤延。松十八公介圭錫。竹一束策藥榜懸。易于賜粒三十六。三刀作州興呂虔。訊之占夢歷有據。披圖可悟祥徵先。君家故事吾能說。文采風流自古昔。巾箱家學七葉中。人人有集光史冊。墨寶况蓄高會書。五十七人總名蹟。所以瑯琊族望高。馬糞香過龍涎炙。卽如此圖失楚弓。復有後賢返趙璧。

圖已失其少
林重購得之

足知繼起代有人。還似烏衣世。裾屐嗚呼魏徵。

宅費官錢贖梁公像。向武襄鬻幾家故物。能長留守器。

今推王氏獨此屋。雖遲築室謀。少林擬仿圖
作屋以實之此梅已協植槐。

陽湖趙翼雲崧

借激莖齋生宿高旻寺次日鑑公同遊金焦遇趙
偉堂縣博及巨超諸僧作詩會又同往甘露寺
出遊無勝地不如閉門坐勝地無良朋不如掉頭過今
日何日樂事并高僧名士同江行金焦相距不五里烟
雨空濛一帆駛正逢詩社建鼓旗同叩禪關脫巾履人
皆林下閒神仙地是江南好山水快哉人地兩清絕意
本不圖緣偶結明朝竹林招隱寺乘興更擬尋曲折人
生得意勿太貪且畱不盡待再探

甌北詩鈔

七言古五

一

焦山江上為張世傑與元阿珠元史名阿木董文炳血戰

處事見宋元二史舟行過此補弔以詩

江上峰浮一螺碧啼鳥落花僧寺僻豈知曾閱古烽烟

往往山根見折戟白鷁船名雄排水寨開戎旃萬舸截江

來箭風礮火吼水立蛟鼉駭走不敢迴可憐殺氣乘潮

漲南北戈船互衝盪一貪佐命立奇勲一誓捐軀保危

障功臣忠臣共戰場運異興衰氣同壯終然浩劫入滄

桑縱有赤心天不諒烟燄橫空齧蔽江十萬健兒魚腹

葬我來斜渡一帆風往日兵氛久洗空閒把陳編撫遺

事江山如舊哭英雄山前一片飛濤洶想見當年戰血

紅

齋前寶珠山茶一樹數百年物也萬花艷發其光
絳天邀北溪謙齋蓉湖立菴瑩溪曉東緘齋諸

人賞之賦詩以紀

季。倫。珊。瑚。高。七。尺。賈。胡。貴。街。紅。刺。石。天。公。憐。我。蕭。齋。陋。
賜。以。寶。珠。滿。院。赤。山。茶。難。得。千。瓣。妍。况。復。老。榦。數。百。年。
吾。家。獨。擅。此。奇。古。其。根。拔。地。枝。摩。天。胚。胎。含。英。隔。年。結。
繭。栗。春。來。始。綻。裂。大。瓣。外。張。六。出。奇。細。瓣。中。噴。一。腔。熱。
不。知。何。物。染。得。成。世。間。無。此。猩。猩。血。東。風。一。吹。千。萬。朶。
高。下。都。開。笑。口。歌。熊。熊。日。午。光。絳。天。嚇。得。隣。家。來。救。火。

甌北詩鈔

七言古五

二

火。齊。木。難。枉。擅。名。以。名。嘉。樹。乃。真。可。此。時。安。得。無。杯。盤。
爰。邀。素。心。來。盡。歡。家。貧。不。能。列。歌。舞。借。此。聊。作。紅。粧。看。
便。如。張。鎡。畫。堂。宴。妖。姿。十。隊。胭。脂。丹。又。如。三。千。殿。脚。女。
錦。衣。袂。眼。明。江。干。尊。前。忽。然。大。富。貴。景。象。一。洗。儒。生。酸。
斜。陽。過。墻。日。將。夕。花。光。流。艷。照。座。客。樹。老。花。愈。紅。人。老。
頭。愈。白。白。頭。映。紅。花。頭。覺。老。態。失。未。醉。已。覺。朱。顏。酡。大。
得。此。花。增。氣。色。

題周山茨觀察老圃秋容圖

冷。艷。離。離。入。焦。墨。不。寫。春。華。寫。秋。色。風。光。偏。稱。白。髭。鬢。
是。我。故。人。幾。不。識。公。昔。登。科。最。少。年。吹。簫。子。晉。綠。山。仙。

明光奏賦不起草搖筆壓殺才人干遂乘露輞按五管
清風瘴掃蒼梧烟我從詞垣早師事出守又爲公屬吏
鎖院秋燈酒共傾

毛秋
樓京闈

粵江夜雨舟同繫

已丑自端州
隨公至桂林

彈指

俄驚三十春雪鴻往跡不堪論公會出塞悲流徙我亦
歸田作隱淪此時尙說香晚節三尺兒童也笑絕豈知
人各有秋容何必升沉共一轍君不見陶家籬韓相圃
一在巖廊一環堵後先兩個菊主人一樣清芬占千古
公今才望隘九州書法况埒虞褚歐煌煌碑版照四裔
宦雖未達名長留此正暮年著力處不徒占盡老風流
只憐同作揚州客幕府沉沉幾重隔何當攜手菊花天

甌北詩鈔

七言古五

三

醉倒落英紛滿席

公方客臨
使幕中

題楊斐園研堂長卷

平泉醒酒石忽落他人手壺中小九華瞥眼不復有一
卷之多難世守石不能言乃能走何哉楊氏清白貽獨
以一硯當鼎彝令子護持築精舍名流矜賞攜妍詞五
世其昌果奮跡道是石田田不石濡毫鶴眼掃犀眉兄
也撥科弟通籍魏徵牙笏王祥刀遺澤燾後多賢豪况
茲文房之珍逾拱璧載得家學傳風騷香霧黯凝文養
豹黑雲滄起詞騰蛟會與紗縠巷中魚膚碧坡穎二老

名同高

題女史駱佩香秋燈課女圖

東坡要兒愚且魯。生女何必求聰明。一分才折一分福。不櫛進士徒虛名。豈知深閨讀書種。也要傳心度針孔。佩香女史絕世才。忍使清芬無接踵。手撫么絃傷寡鵠。巾箱况少遺孤續。一个嬌娃解語花。綺窻親課秋宵讀。梧月蕉風夕館涼。一燈如豆光微綠。風詩誦到栢舟篇。女未知悲娘暗哭。篝火書聲夜漏遲。依稀柳母舊家規。可憐一樣丸熊苦。他課男兒此女兒。

計五官歌

紫稼歌殘薊苑霜

崑崙村集有至
聖聖紫

百年曲部黯無光。天公怕斷

甌北詩鈔

七言古五

四

烟花種又出人間。計五郎計五生來好姿首。家近虞山黃子久。竟體香分景滌。蘭纖腰軟入靈和。柳天風吹落到揚州。一日聲名不脛走。冠蓋西園夜賞花。笙歌北里朝酣酒。偶然斜睇眼波橫。勾盡滿堂魂不守。座中耆宿也發狂。簾內嬋娟自嫌醜。無人不愛鄭櫻桃。只是有心難出口。揚州樂府聚風華。陳寶陳大寶秦坑郝金窟坑人之稱人共誇。

絕調能翻金縷曲。丰容雅稱玉鈎斜。小垂手博纏頭錦。初上頭添繫臂紗。計郎一出爭相惱。斂避都甘作房老。尹邢豈但怕相逢。元白已皆慚壓倒。若非占得十分妍。妬口如何亦稱好。乃知一樣眉目清。天獨爲他陶鑄巧。

我來作客十餘年看盡梨園舞袖翩太息選仙空彩格
老來方遇鄂君船鬢絲禪榻茶烟颺腸斷春風擁楫憐
邵松阿落一齒已而落處更生所謂兒齒也走筆

奉賀

憶昔從君少年日利齒剛牙快備歎舞陽盾畔一羸肩
不怕生吞口帶血忽忽四十年我老作牛齒曾官打牙
乞老鄉竟儕鑿齒咄列軟飽惟資張蒼乳柔存幸剩
商容舌空齟枉想過屠門以咀代嚼味不出羨君頤齟
尙無恙編貝堅完不兀艱偶焉弱一个畧似童牙齟非
遭隣女梭豈被邏卒擊尙堪石之漱何妨屐之折胡爲

甌北詩鈔

七言古五

五

落處又萌生宿草去根起新蘖琴軫方愁雁柱虧瑾泥
已塞狗竇缺古稱兒齒信有之新發于硯倍剛烈有如
老將力將竭添以生軍再盪決童子行先尊勝隊孩兒
兵壓欣飛傑問君安得此寧馨英銳獨擅昆刀切定可
陷堅爛似泥寧徒吐慧艷於雪斯乃壽者相專爲老人
健飯設東魯旣並黃髮頌北齊况傳智牙說知君尙有
萬羊未食盡天遣雍齒封侯助饕餮噬腊堪稱程蔽金
決濡應賽來嚼鐵笑我空將饒口張方倚杖鳩祝哽噎

石刻諸葛忠武侯像歌

像爲閭立本畫後有王齊賢摹本張南軒贊朱

考亭書印君鴻緯於嚮城俞氏見之借摹上石

以廣其傳爰爲作歌

諸葛大名垂宇宙。豈須絲把平原繡。誰摹遺像入貞珉。
墨水新翻唐畫舊。卧龍當日出山遲。三顧情深始展奇。
倉猝扶危敗軍際。畢生盡瘁受遺時。天心已定三分局。
臣力猶勤六出師。巾幗姦雄甘不戰。髡鉗僚吏泣無私。
奪來駢邑人忘怨。芟後甘棠地繫思。八百株桑傳素節。
二千尺柏颯英姿。圖形未續雲臺位。墮淚還先峴首碑。
右相丹青追髣髴。妙手重撫稿頻易。南軒作贊考亭書。
愛其人者寶其蹟。清高旣肅宗臣容。題拂兼增大儒筆。

甌北詩鈔

七言古五

六

印君遇之倍珍惜。更做殘縑壽諸石。遂使綸巾羽扇人。
一身化作千百億。我昔南遊緬節麾。七星關上拜公祠。

在貴州畢節縣

宰相威儀儒者氣。至今迴憶儼鬚眉。老來訪古倦

行脚。得此莊嚴供。

去聲

齋閣風貌。寧煩粉本。臨典型。幸獲

瓣香。托愧無長策。效馳驅。惟有清襟師澹泊。

金二雅繪稷游圖集蘭亭字爲序長卷索題戲書

其後

天邊鴻鵠隨家雞。集句已被東坡嗤。况復割裂巧集字。
大方之家應不爲。豈知此法昉梁代。千文韻語今猶垂。
李唐御製聖教序。亦掇墨寶刊穹碑。遂令右軍好手迹。

幾遭寸磔無完肌。蘭亭真本尤絕筆。幸未碎剪翻錦機。
金君板飲忽遐想。湯燭暫借充饋遺。不取其文取其字。
一篇別構春游詞。破之片片墜地。既貫之縷縷。入扣絲。
百寶修成滿輪月。衆腋聚作無縫衣。咄哉文心太狡獪。
繭紙幻此一段奇。稷游圖邊稷游敘。句新字舊觀者疑。
何須眩篋缸面酒。已似柴毫洗墨池。非會稽世非晉。
驀然突出王羲之。重三從此增故事。不數典。午永和時。

題蔣心餘攜子遊廬山圖爲其季子師退孝廉作
我昔遊廬山。孤行少伴侶。但鏗拄杖聲。遙荅鐸鈴語。今
朝讀君廬山詩。乃知先我采其阻。奇才勝境兩相值。磁

廬北詩鈔

七言古五

七

石吸針鐘應杵山。靈不放君空回君。亦不肯虛此來胸。
中萬斛泉。遂湧欲與石梁瀑布爭。喧。况復鶴鳴有子
和。登高作賦非凡材。或疑二兒昇陶令。籃輿閒赴近局
杯。不然坡公石鐘泊。與邁同步凌崔嵬。快哉此遊足千
古。海綿萬頃天爲開。惜我曩時鞭獨控。先後十年成各
夢。若使同看九疊屏。也應喚作三遊洞。曾聞元白遇夷
陵。文酒流連旬日共。事往空思寫木蓮。見舊唐書白居易傳道山人
已騎白鳳天。爲徐凝藏惡詩。不使與君相伯仲。一幅生
綃想故人。履綦陳迹派沾巾。慰君幸有斜川集。能寫匡

廬面月真。

秦良玉錦袍歌

傳是明莊烈帝所賜其子孫有遺江右者猶世守之師退孝廉爲乞詩

卸了羅襦縛袴褶提兵屢赴疆場急戰袍裂盡錦袍存
猶帶當年淚痕濕召對平臺拜賜時爲旌健婦勝鬚眉
五色繡成宮女線九張機織尙方絲可憐此賜非輕得
歷歷忠勲九重識奢安軍變定川南遵永城亡趨直北
世間有此女英雄授以男官總兵職俄驚烽火滿夔巫
東盡西馳更勦賊撲面塵沙當粉塗滿頭蓬葆臨風櫛
縱有羅紈豈暇披甲裳血汚淋漓赤百戰山河到夕曛
茫茫浩劫塞妖氛高牙大纛皆巾幗翻仗創殘娘子軍
陵谷遷移成一夢廿年心力堪悲痛一丸泥遂閉函關
甌北詩鈔

七言古五

八

千樹桃仍卷秦洞老寡寧將瑟再彈故侯自有瓜堪種
此袍猶是舊君恩盟手開緘時一慟什襲收藏付後人
扶南犀杖泣亡陳敢論衿服黃金甲聊返初衣白氎巾
遺笏魏家先世澤傳衣曹洞昔時珍陋他譙國高涼洗
錦繖重誇嶺外巡

綿州刺史劉蔭萱駐藏回蜀遠寄藏佛一尊賦謝

我聞佛有千百億化身本寓言耳乃竟真自從霍去病
收獲休屠神後來明帝夢金人遣使求得四十二章經
釋迦之象借來賓其始但圖畫竿融特叛裝璜新尔後
遞仿製葫蘆依樣遍八垠豕文石鐫貞珉雕檀櫛笮金

銀最賤用土木尤易紛傳薪三家之村一闕市皆有過
去未來現在三世尊其多豈特八萬四千阿育塔直與
恒河同數微沙塵然皆震旦造非從身毒到漆器終推
囊樣鬆錦紋須出蜀江漂旄牛徼外烏斯藏傳是耆闍
古靈輿曾出帝師八巴思大寶法王賜嘉號至今已閱
幾輪迴換身猶帶前生竅其俗家家修淨業大乘黃教
小紅教良工善鑄如來容真本臨摹狀維肖不比貫休
畫應真僅向夢中見風貌綿州刺史劉孝威從軍絕域
窮奔馳腦日逐隨月氏梯危縲險二萬里歸途又餉駐
藏師

乃從征廓爾喀歸途留藏
辦糧三年期滿始回蜀

購得一尊遠寄我名以長壽代祝

甌北詩鈔

七言古五

九

詞我不知是彌勒是牟尼抑或阿難迦葉及辟支恰比
中土黃金面豐上銳下差毫釐惜哉丈六身縮作三寸
小難具三十二相八十一種好棘端刻猴地幾多七滿
八平何處可施巧珠火矚微分青螺髻空繚安得金粟
影接寥天長玉毫光共素月皎要是彼中五嶽真形圖
不用減鼻開唇屢易稿譬如唐家方鎮雖各有旌節終
輪本色來自長安道繫余衰朽枯木禪得此瞻禮良有
緣愧無七寶莊嚴般若座亦少百花供養伊蒲筵腰不
能爲膜拜折詩豈足當梵唄宣燈傳難助長明火筏渡
尚虛大願船惟有此心清淨退周妻何肉早悉蠲已作

在家出家。一老衲蕭齋正可同龕眠。

題黃陶庵手書詩冊

五言律十三首乃崇禎丙子赴武金陵途次之作書於是年九月十六日蓋在報罷

後公至壬午始舉於鄉癸未成進士殉節於乙酉距作詩時僅十年耳齋生郡博購得此冊敬題其後

作詩赴舉時寫詩落解後詩不必坡谷字不必顏柳遺蹟乃獨珍光壓瓊瑤玖是時明社將爲墟方赴鹿鳴鄉射耦迨公通籍已板蕩需次里居歲乙酉天兵南下金陵降風掃百城快於帝馬前叩頭草間活國破君亡誰拒守公也林下一書生衣不掩脛袖露肘回天挽日何等事豈出區區措大手揭竿市兒無戈矛釋褐鄉官未印綬無端糾集一旅師欲飽百萬磨牙口山河改局鼇

甌北詩鈔

七言古五

十

折柱天地爲籠魚在笱正惟成敗百不計足知志定甘授首嗚呼公已騎箕去故紙殘零亦何有一鱗片甲乃幸存其字其詩遂不朽摩挲忍污寒具油激賞欲浮大白酒君不見同時衆名流聲望出公右書推王孟津詩擅錢蒙叟至今令人笑齒冷斷楮零縑付醬蔬

贈張友棠孝廉

我來揚州把談塵絳紗弟子殊佼佼就中最賞張思曼七言韻語尤清新君亦傾心自著錄康成門下稱傳薪講堂散後五六載每一相見情彌親嗚呼近時山長席鵝湖鹿洞非等倫鄉官聊作祠祿寄諸生藉補館穀貧

此豈有意在學問。毋怪別後同路塵。君獨不以老耄舍
自因知味共苦辛。其思沉密學繁博。功力更復老斲輪。
組織能成錦。五采鍛鍊不惜錘。千鈞壘。堅牆厚攻不破。
開壁一戰摧。強鄰眼前突。兀真畏友先導。吾敢誇梁津。
識途馬已智。無用掣韉鷹。方氣未馴。看君出應著作手。
詞壇旗鼓驚千人。

題瓊花觀圖長卷

卷長三丈餘。多唐
宋以來名人題識。

廣陵胭脂氣。薰天惱得天花欲。如妍一朝飛來。芙蓉觀
要與色界爭。新鮮三千殿脚。萬驍果拚擲。江山就花坐
南朝。枉自誇瓊枝。豔殺羣芳無一朶。風流賢守惜花心。

甌北詩鈔

七言古五

十一

更榜無雙白石亭。想見滿城遊女集。夜歸齊妬玉娉婷。
司花天女偏膽小。驚失瑤林一株好。急遣巫陽下界尋。
收得香魂。天未曉。從此人間不復見。附書難托風箏線。
花生花死一千年。只當優曇纔一現。我來訪古步庭墀。
但有丹青一幅遺。兔葵燕麥久荒寂。樓臺猶仗虛名丈。
月下珮環招不得。卷中人可崔徽識。挑燈題罷露臺寒。
一樹冬青夜深黑。故此今有
冬青一株。

題洞庭尉程前川三百首梅花詩本

梅花性孤冷。貴少不貴多。籬落兩三枝。自足供清哦。豈

知多更好。彌野漫山阿。羅浮數十村。鄧尉千萬柯。遂擅

天下勝遊客紛肩摩咏梅詩亦然繁篇古未有老逋八
章出已占名不朽何哉程前川乃至三百首別開生面
目不落舊窠曰妙想入非非消寒遍九九元珠直遣象
罔搜璞玉竟代卞和剖豈特長康畫三毫自是陳思才
八斗人皆爲梅幸遇此知己友相得乃益彰壓倒衆芳
藪我謂梅不幸遭此寫生手巡簷索笑日千迴攝魄迫
覓無處走色香神韻不畱餘後世更誰敢開口澤竭但
供一時快和寡將冷千秋久由來詩人爭大名必創奇
觀世無偶叩門示我牛腰卷萬丈瑤光溢戶牖我吟一
詩飲一杯竟滿李白三百潑醅酒

甌北詩鈔

七言古三

三

顧晴沙選梁溪詩成瘞其舊稿於惠山之麓立碑
亭其上名曰詩塚爲賦七言古一首

晴沙妙選梁溪詩二千餘年盡羅致一將功成萬骨枯
所餘殘稿將焉置既非青史蕉園焚敢托黃冊後湖閉
錦軸慮掣桓元厨銀杯恐化公權筭同志有人出奇策
文塚筆塚可援例遂倚龍山九隴長選得牛眠一弓闕
或笑秦儒將被坑或疑李集欲投厠豈知琢石比榔堅
兼復立亭彷彿瘞遂使此邑千才人詩覓上天魄歸地
雖悲一邱貉不分且喜千腋狐已萃昭陵匣响修稷文
汲郡簡藏編年記多少精靈聚一團行看蒸出菌芝瑞

清芬自少荆棘生酸氣并令螻蟻避宿草滋含文露濃
野花開帶心香賦嗚呼才人苦愛名慮到陵谷變遷異
元凱碑付江波沉思肖函從井底墜猛將甘作沙場塵
酒人願化陶家器此舉正合古遺法不怕竊鈎出非意
發印郎識無金銀掘墳賊豈要文字况諸作者非並時
前不預知後徒企賴君作合結同龕不隔去來今三世
有如周秦紀行篇蛾眉一堂集佳麗又如幽燕憫忠寺
馬鬣一坎聚烈義故鬼新鬼紛並肩舊雨今雨欣把臂
月下定有秋墳唱歲除不煩詩草祭九原詞客果有知
此亦吟朋大快事我來經過一憑弔欲喚何人莽無次

甌北詩鈔

七言古五

三

但覺蒼蒼宰木邊常有光芒透山翠

寄題法梧門祭酒詩龕圖

君蒙古人

杜詩萬里行歐詩三上成作詩必以龕毋乃拘心旌豈
知渺衆慮端在巖關扁或仰屋梁臥或觸醋甕傾屏除
萬籟靜獵微窮至精詩龕之築無多楹虛白一室涵空
明曾無四圍皂羅幃但有五夜鐵燈檠想當晏坐吟興
發風簾不捲爐烟輕眼光直洞重垣透思路迴裊層霄
清一龕廣不過十笏已逾五百由旬程信哉人地兩超
絕毋怪詩律堅長城聞公家世本沙漠契苾勳門埒褒
鄂卽今西南戰伐殷何不奮戈就戎幕乃耽手筆造鳳

樓遂忘弓刀畫麟閣。緣知風雅味，獨深嗜。好與酸醜
各君不見雲石小海牙橫絕。酸齋作鴈門薩都刺亦壓
蘇天爵。公才十倍此數人。已爆高名動寥廓。惟有湛然
居士集。邪律文
正公經濟文章胸可拓。好當彌勒結同龕。一辦
心香。奇所托。

遊網師園贈主人瞿遠村

市闕難把塵囂隔。何許林扃擅幽僻。主人好客過鄭莊。
買得名園集。裾屐買園貴。舊不貴。新爲要。濃陰綠如帶。
惜哉喬柯已伐盡。但有一池枯葑積。乃窮土木妙結構。
欲以新景賽古色。小山堆出華子岡。幽壑嵌來到公石。
甌北詩鈔
七言古五
十四
一重一掩曠輿兼。燠館涼亭境屢易。若非導僅幾觸柱。
倘藏逋客敢搜壁。想當意匠經營時。多少黃金付一擲。
明月清風四萬錢。笑他子美真寒乞。就中風潭已改濬。
數畝中涵百頃碧。網師之名尙仍舊。定有千石魚策策。
紅衣垂釣可作圖。青笠拏音便泛宅。老夫大發結網想。
擬捉銀鱗長一尺。

梁製觀世音像歌

王仲瞿孝廉得古銅佛像一軀。長身玉立。首有
金冠如翠翹。衣袂多繡紋。極精緻。與世所塑釋
迦像螺髻袒胸。跣趺坐者不同。其底有篆書天

監二祀十有一月中天竺王屈多使竺盧達多
獻西域土物優闡賢王造釋迦真像一摩訶觀
世音像一摩訶至像一三夫人丁氏進位貴
嬪皇子六通誕彌月皇太子統三周皇帝命顯
陽宮監臣陳舍利臣王寶臣東方迦葉奉造一
佛二菩薩像臣舍利奉皇大統于永福省授太
子統孝經一卷觀世音像一軀臣太子統臣舍
利稽首頓首云云據此則梁武就天竺所貢三
像別勅仿造而所授昭明太子一像則觀世音
也按梁書昭明生於齊中興元年梁武天監元
年立爲太子二年昭明恰三歲母弟簡文帝生
小字六通時昭明年幼仍居於內東宮官屬皆
入直永福省以款文証之一一相合其爲蕭梁
舊物無疑也爰爲作歌

甌北詩鈔

七言古五

十五

昔得烏斯藏中佛佛土中來敬齋祓所嫌鱸鞮新鑄成
尙非象教初來物王君仲瞿其名曇前身當自彌勒龕
購得古觀世音像身被繡緞頭翹簪款鐫天監二年造
昭明太子歲正三年深色黯質未改但是斑駁非縷縹
惜哉王君愛塗飾重與莊嚴失古色添得黃金一百銖
論價翻輸舊時直幸渠色新製自古猶是六朝人手蹟

我思是時釋教興鳩摩羅什佛圖澄譯經演法闡大藏
舉世皈嚮如雲蒸佛前大士尤顯應不比羅漢諸小乘

罪人持咒枷鎖落

北齊書盧景裕傳

敗將諷唄刀斧停

宋書王元謨傳

兩足

埋土忽兔脫一隙透穴俄猿騰

晉書載記皆視世音經事

是皆耳目所

震耀至今尙誦高王經何況梁皇信佛篤親講華嚴高

座獨持齋戒殺麪爲牲祖宗亦不許食肉同泰寺中頻

捨身帝王有價可錢贖奉佛必兼奉菩薩固宜肖此慈

容穆真形圖旣出優闡方物貢恰來天竺想當宮監仿

造時比對西來元面目敢同延壽寫照差并非貫休夢

見熟煎金火用歐冶爐刻像刀切昆吾玉煉出金剛不

甌北詩鈔

七言古五

十六

壞身不矜一寫而成速勅賜青宮虔供養永爲儲君介
景福豈知淨業空精專避災終未入四禪文選樓高但
主器蠟鵝厭勝遽天年後來青絲白馬逼荷荷索蜜更
可憐斯時大士竟安在不來一救禰亂延乃知像設亦
徒爾弗及一紙臺城鳶我獨摩挲爲太息重是千年尙
完壁雖非嚙紐追蠡鐘也比出泥甃寶鐵豈必有神爲
呵護世久自覺堪愛惜來是長安本色旌摹猶定武初
刻石

虎鞦韆歌

鎮安郡舊作偶檢出錄存

書生出作山郡守不能合虎渡河走德不足感且用威

下令捕之大合圍土民談虎輒色變聞當出獵心膽戰
乃檻羊作籠虎不愛賤畜供更掘地作阱虎別走淺草
徑百金一虎購價高經旬不獲虎益驕向武州人儂阿
玉囊智出奇立兩木下有機轉牙上有鈞掛肉虎來攫
肉必觸機機發鈞繩忽上縮斯時鈞已吞正痛領間鏃
四蹄早懸空一尾徒倒盡英雄遂無用武地哮吼一聲
裂眦哭平明爭作異事傳山中有个虎鞦韆似貫柳魴
鱖懸似帶絛鸚鵡翩得非此乃臙脂虎黑章黃質支煽
爛欲學雲裾霞帔仙乎仙只嫌身似環肥吹不動安得
臨風瘦影嬌蹁躑扛來府廷等獻馘太守獎之賞破格

甌北詩鈔

七言古五

七

幾同陣獲飛空人已斃毋煩縛太急爾虎向來莫敢攫
不意爲口傷身亦遭厄毋乃許褚癡并少長康黠亟命
打鈞架木廣施設誘入徽纆盡就磔只愁他虎又爲佞
鬼告繩索空懸不上鈞

鎮江觀都天會

神會蓋始鄉人儺黃金四目揚珮戈漢家原廟亦遺制
衣冠月遊長樂坡城陽景王歲一駕用二千石儀衛多
南朝蔣侯更出盪張弓拔白聲驅魘有元帝師泥銀繖
至撥鹵簿爲搗阿流俗相沿遂成習附會神鬼訛傳訛

潤州城東都天會年年四月大報賽七香亭導八擱輿

彩仗前驅一對對金童玉女乘雲輶夾以鏤簫溢闔闐
刀矛浴鐵皆似銀旗幟繡絲不用繪列隊幾長十里餘
糜財不在萬金內但求角勝肯惜費富者破慳貧者貸
不知是何神擅此大富貴或言唐張巡睢陽百戰捍賊
應保障功在江淮民或言一儒巾夜遇疫鬼散毒氛獨
以一死活萬人究竟未識何者是徒令世眼滋擬議我
思天下祠廟多原可不必一一考姓字大凡人間所祭
神非卽此神來受祭韓擒虎作閻羅王未必至今尙占
閻羅位卽如關壯繆血食遍海溼安得百千萬億身處
處明禋悉親蒞是必有衆神分享牲牢饋可知香火區
甌北詩鈔

七言古五

太

有同衙署地三層殿閣尺五祠一樣流官屢更替倘憑
祠額廟號辨僞真竊恐頂缺冒名不勝計都天神來何
途我不復索稽神樞但覺不呼能使萬衆集必其靈爽
能感孚君不見大官旌麾耀市衢乃是官募非人趨

題甘雨應期圖

今歲長夏無雨田禾將盡稿費中丞憂之七月
八日率僚屬步禱諸神祠遂連日甘霖大沛今
屆秋成豐收倍於往年蘇守任君命工繪圖索
余詩紀事敬題左方

我不知蒼蒼者天薄薄者地至竟於人何關繫洪範五

行傳所編毋乃附會非實事及觀中丞祈雨雨應期乃知天人果相契今年盛夏愆膏澤桔槔將吸長河竭可憐農夫千滴汗不博田間雨一滴中丞對此憂心忡芒鞋步禱元都宮當其泥首乞民命敢謂一念能感通此意早達九閭九作使列缺豐隆百靈走鞭起癡龍鱗鬣飛倒捲太湖噴郊藪遂令江北江南盡沾渥捷於調水之符噴火酒從此村岷企脚眠準備烏烏歌擊缶蘇州太守繪作圖濕雲一幅猶糢糊邀我題詩紀靈異我親聞見詞非誣迴憶歊陽暎爲厲家家禱雨聲如沸民禱不應公禱應頗疑天亦太勢利庸知萬命所繫岳牧身

甌北詩鈔

七言古五

九

一方災祥視其人卽今迴枯起羸瘠有目共見功通神得不羣頌中丞作霖手中丞却復欲然不自有

楊舍城北登望海樓

暨陽城北皆洪流尙是江尾已海頭何人好事欲窮覽
傷涯築起凌霄樓我來拾級快登望六十里沙爲外障
障外卽是滄波涵果然一豁心目曠曾披載籍徵典故
陰火陽冰莫名狀橫爲摩竭豎難陀鼓鬣揚髻動千丈
幻影樓臺蜃市觀寶光珠貝龍宮藏方壺員嶠仙往來
奇肱飛車不粘浪書生薄相那遇之健筆韓蘇枉摩盪
是時卓午懸曦輪潮氣上逼白日昏不知是天是水還

是雲但覺混茫。一色無區分。偶然萬斛舟如墨。一點萍
入寥廓。微留痕欲駕。鼉梁渺何際。江湖比作蹄。涔細中
原水。皆地所包。至此始信水包地。不識此水又用何物
包。六合以外真難議。頗聞近日荏苒萌連踪。結隊紛紛
橫。劫財賈舶畧無忌。漸恐登岸殘村氓。安得三千水犀
弩。鯨鯢戮盡常澄清。

問魴魚

問魴魚爾既雋味。供人食當使老饕快。舖啜胡爲肌理
如凝脂。鋒鋌似叢棘。鰕生竟作魯宗道。骨鯁令人有難
色。本謂鹽針莫敢坐。誰料領珠終被摘。饒奴入口費剔

鹽北詩鈔

七言古五

十一

搔齒舌無功。兼手掇滿堂。無不賞鮮腴。却但畏威弗感
德。魚也聞之笑。此論非通人名花品。不許褻玩美女姿。
豈輕橫陳吾生自有味。外味正恐鹵莽一嚼不見珍。故
教芑刺在背。稍齟齬欲令徐徐咬。咀方識真。顧乃吹求
到細故。欲去槎枒滑喉嚨。知君原是一腐儒。只合終朝
喫豆腐。

醉蟹

泰州人甕貯甘醴投蟹於中
聽其醉死謂之醉蟹味極佳

霜天稻熟郭索行。雙螯拗折香珠杭。經旬飽啖腹盡果
團尖。臍結脂肪盈。忽然被擒請入甕。乃憂炮炙渾身痛
誰知甘醴已滿中。送入醉鄉黑甜夢。醉鄉豈怕滅頂凶

舖糟啜醖酒池中既非人羶投風濶何必醜雞腸是膏
沉酣三日不復醒米泔味已透骨髓食單方法有如此
物不受痛人得旨休悲彭越遭醢寃且幸義之以樂死

放歌

我不能引長繩繫住西飛日又不能抽快刀斬斷東流
水徒負昂藏七尺身實只太倉一稗米胡爲前望千古
後顧萬年欲作擎天柱地一男子少年鼻息衝雲漢唾
手便思拾青紫果然館閣取次登意謂星辰卽曳履忽
焉驅馬出春明兩粵滇黔走萬里從戎又想圖麒麟按
部亦曾冠獬豸序遷不及待歸仍鑽故紙撐腸五千卷

甌北詩鈔

七言古五

三

縱目廿二史復將三寸毛錐尖妥擬一柱中流祇統計
生平屢徙業一波未平一波起我觀古人志專壹強吳
者負霸越蠡用盡一生心只了一事耳誰教東馳西騖
多岐塗貪如奪標棄如屣毋怪百能百不能畧嘗之味
鼎染指如今衰老始知悔氣矜之隆病良已非無一言
半語傳世間未必百年後尙掛人齒回思鄧林棄杖逐
日時枉費奔忙暍不止噫嘻乎生世寧易得人身爲人
寧易通文理可惜黃金擲虛牝錯已鑄成錯到底

紀事

六月下旬

浙東舟山多海澳海賈經由必收權向來清晏少崔苻

近數十年始有盜初但董斷不澤竭什二抽分盜有道
其渠死後群黨橫劫財殺人日逞暴奸民趨若附火蛾
賊艘遂至數百號一艘百人百艘萬實繁有徒據津要
直從水面別開國竟視估舶同轉漕樓船將軍空駐防
水師入海已眩掉伎倆久爲賊所窺嚇以虛聲反被笑
駸駸振柁欲登岍往日孫盧轍將蹈今年六月起趨風
十日不斷聲大嘯颼母鼓浪掀高穹天色晦冥日不耀
半空疑有蛟龍鬪千里但聞神鬼譟可憐賊艘雖習流
至此亦把天妃叫檣傾檣摧碎如粉萬命盡入滄波浩
十五巨鼇食不盡飽到鯨鯢也懼跳有得脫者十二三

甌北詩鈔

七言古五

三

縛板泗來伏巖嶠不死於水死於刑一一就擒戮諸蠹
從此妖氛當稍寧縱有漏遺已衰耗若非天遣風濤誅
竊恐今秋有閩鬧獨念天心方厭亂東南已叨慈蔭霽
秦蜀蟻賊肆剽屠西顧亦應垂痛悼豈其能水不能陸
只殺鮫鱓遺豺豹不作使萬陰兵悉殄陸梁靖區隩

紀夢

閩罷邸抄正午倦忽夢遷官戴武弁西陲寇盜紛如麻
杖節專征往靖亂肘懸雙紐黃金印腰插三稜白羽箭
虎旗開道十二街鼙鼓震天五百面行間紀律陣演蛇
馬上驍雄手接雁聲威大振刀槩鳴號令一施旗幟變

出鞘劍氣寒斗星浴鐵甲光明組練巢車望賊最多處
指揮三軍各爭先短兵近接剝作礮巨礮遙轟疾於電
窮追不暇掘竈炊生嚼俘囚當朝膳乞降悉就縻長纒
旅拒誰敢張空卷割賊頭顱祭國殤歛賊屍骸築京觀
鳴張豕突一掃空依舊江山景清晏歸來獻捷絳闕前
免胄千人萬人見形容圖上凌烟閣策券頌來紫宸殿
書生到此真足豪正欲作詩紀酣戰無端栗爆折腳鎗
驚破鏡簫大凱宴僮奴恰報煮藥熟來問衰翁可下嚙
曉東內兄素強壯無死法也六月中左掌忽患一

疔醫者但治以解毒散不急拔其根遂蔓延四

甌北詩鈔

七言古五

三

布已而腕間潰成一孔膿血涓滴不斷馴致滿
身氣血盡從此流盡而歿嗚呼事之類此者多
矣爰再作詩哭之

目識一丁掌邊伏焦釜漏舟救宜速庸醫惟恐痛剝膚
但劑清涼期解毒豈知杯水滴水車薪翻致燎原不可撲
初看腫硬過臂肱旋覺熏蒸上頭目未幾腕底潰成孔
如筧引泉來續續紅紫者血黃者膿晨夕涓涓潰牀褥
遂令遍體精氣神盡化漿流無底谷命脈微如將斷絲
膏髓涸成久枯木親朋猶來問無恙病已不支俄續屬
嗚呼癰疥初生藥誤投癰疽既潰手空束世間萬事類

如此事過追思豈勝哭

題稚存萬里荷戈集

人間第一最奇境。必待第一奇才領。渾沌倘無人可鑿。不妨終古懵不醒。中原一片好景光。發泄已盡周漢唐。所未泄者蠻獠窟。天遣李白流夜郎。又教子瞻渡瓊海。總爲儻昧開天荒。伊犁城在西北極。比似炎徼更遼僻。烏孫故地瓊裘鄉。睢呿何曾讀倉頡。近年始入坤輿圖。去者無非罪人謫。一聞巖譴當出關。如赴鬼門淚流赤。豈知天固不輕與。若輩紛紛何足數。要等風騷絕代人。來綯鴻濛舊風土。稚存先生今李蘇。狂言應受櫻鱗誅。

甌北詩鈔

七言古五

十四

熱鐵在頸赦不殺。廣柳車送充囚徒。天公見之拍手笑。待子久矣子纔到。鍾儀故是操南音。斛律何妨歌北調。從此天山雪嶺間。神馬尻輿恣吟眺。國家開疆萬餘里。竟似爲君拓。詩料卽今一卷荷戈詩。已如禹鼎鑄魑魍。狂風捲石落半嶺。堅冰鑿梯通九達。人驚鴟攫抱頭竄。雷怯龍鬪飛輪馳。生羌變驢或剽腿。降夷化魚皆游屍。皆詩中所記 隨手拈作錦囊句。諾臯狹陋寧須支翻嫌。賜環大草草令威。百日歸華表。倘更畱君一二年。北荒經定增搜考。憶君惟恐君歸遲。愛君轉恨君歸早。

湯樸齋邀飲紫藤花下

相傳東坡手植物

顧塘橋館藤花開相傳坡公昔親栽主人重是名賢蹟
邀客共醉黃金鼎我思公歸自海外五月真州已暴下
荆溪買宅旋折券始到此間儻寓舍入門未久卽上仙
那得復有種花暇只因旅宿幾晨昏此藤遂傳手澤存

七百年來屢易主藤與公名共千古孤根不肯曲九泉

借用坡
味檜詩上乃屈蟠半空舞皮皴腹裂老不僵化作瘦蛟戰

風雨過客猶思拾落英居人不敢議斯斧想見深宵月

白時魂兮歸來尚摩撫卽今正值花開繁纍纍瓔珞明

朝暾猶疑帶公舊文彩來吐爛熳催芳尊名流草木皆

可敬況此名隸大雅門卻慚咫尺爲鄰竝不敢來爭謝

甌北詩鈔
七言古五
三

傳墩余家相
僅二十步

偶有遺忘問之稚存輒錄示原委老夫欣得此行

祕書矣無以爲報擬質一事卽勞以酒一壺戲

書此爲券

年老苦健忘又懶尋故牘每當數典處搦管瞪兩目遑

近洪景盧便便五經腹我欲納屨質所疑惟恐括囊祕

弗告豈知華鯨待撞荏直爲亡羊追遑足憑君胸羅儲

侍多供我耳食取攜速共誇到老尚弩強誰識從笏有

刀捉快哉得此行祕書讀萬卷如爲我蓄安世能備三

篋亡張巡遍記一城熟予取予求不汝瑕何以報之心

愧慙欲將文通殘錦贈君。君自有天機，欲作曹邱。未
可揚君名。已播風輪軸。聊援酒甌借書例。一事勞以酒
一斛。只愁醉後發狂言笑。我南華不曾讀。

石女歌爲翁悟情作兼柬佩香

化工爐鞴誰能識。一樣胚胎搏活脫。偏有金剛不壞身。
幻出嬋娟鎖子骨。

黃山谷詩金沙灘頭鎖子骨不妨隨俗暫媮媮事見傳燈錄及續元怪錄

禁坑空期有

路通台洞偏苦無門入。可惜修眉曼睩姿。外是玉人中。

是石生小揚州。邗水濱曾隨阿姊入朱門。

其姊爲和督妾因隨入京

縹緗

插架閒供讀。紈綺裁衣穩。稱身畱取待年嬌。養慣銷金
鍋裏九年春。自知不中採葑菲。一片雄心終不已。既負

甌北詩鈔

七言古五

五

奇軀要出奇。芙蓉面粉從今洗。曾聞潘姥稱將軍。

楊大眼妻見北

史何必木蘭讓。男子遂拋巾幗改衣冠。

改作男子裝習騎射

夜習韜

鈴畫矛矢。綵裙脫去著繡襦。纏足放開穿草履。公孫劍

器蠕蠕弓。

高歡娶蠕蠕公主射能落雁見北齊書

跨馬疾馳三百里。破賊思隨娘

子軍。守城好助夫人壘。誰知有志竟無成。朱門忽傾阿

姊死。

和督病歿於湖南軍中其姊聞之即自經

南還故里已無家。蹤跡飄零似落花。

已作健兒縛袴褶。肯同商婦抱琵琶。只有空門堪送老。

擬皈淨業誦楞伽。一朝邂逅吟紅女。莫逆論交水投乳。

小姑居處本無郎。正少孟光來賃廡。畫船同載過江來。

茗碗筠爐共環堵。

佩香招與同居京口

若論平日粗豪氣也愁變作

胭脂虎豈知風雅有。夙緣已自好文不好武。巧思原工織錦機。師資更得修月斧。閒陪拈韻墨花鮮。兼學畫蘭風葉舞。對局圍棋午一枰。分燈繡佛宵三鼓。天上嫦娥暗羨他。廣寒無此好儔侶。從此清涼過一生。不知何物是風情。遂把俗緣勾一筆。悟情兩字換芳名。我來相遇京江滸石不能言。乃傾吐。本非望夫所化成。甘此涇涇竟終古。我聞石亦有點頭未必胚胎盡。頑魯譬汝豐肌弱骨身。一旦改粧卽僮楚。試學女媧煉石功。凡有缺陷皆堪補。異時倘應長吉詩。石破天驚逗秋雨。

楊桐山招飲肴饌極精賦贈

甌北詩鈔

七言古五

七

老夫昨日已不飯。爲有今朝美肴饌。果然雋永出郇厨。入口幾疑易牙撰。色潔先招目。食饒香清更引鼻。觀羹斯須舌本溢。芥腴咬咀未忍遽。下嚙世人競詡開華筵。廣徵水陸窮蹄筌。可憐烹飪不得法。枉費何曾一萬錢。豈如君家食單好。至味原不逾肥鮮。同是一題作文字。妙手獨抉題真詮。遂擅个中三昧秘。其味可領方難傳。繁余不比窮杜甫。冬菹土酥便輕許。也曾喫過五侯鯖。等閒烹炙不足數。君獨能教飮老饕。酸醃想見手親調。爲我一番捫腹快。費君幾夕用心勞。卻愧儒餐本草草。礪齒曾堅菜根咬。爨底勞薪雖識味。家常那得此精好。

笑比江陵張太師。今日吳庖纔一飽。

稚存往寧國時曾約同遊黃山遲余不到歸以負約相嘲和韻報之

孤居足不出鄉土那得一豁塵襟腐自君前歲塞外歸
勁敵相逢互客主過從不覺步履頻治具寧嫌盤格粗
有花必酒酒必詩正是酒龍遇詩虎意珠不畏驪頰探
思縷直傾蠶腹吐始知草聖運腕神端仗劍娘鬥眉嫵
朋簪樂事此焉最冠蓋西園何足數無端飄風吹萍散
聘幣到門君出戶爲增山路撻雲篇拋卻鄉園行藥圃
臨分約我黃山行覽勝歸來過端午老夫已辦宿春糧

甌北詩鈔

七言古五

三

敗興忽停發船鼓遂招諾責暗訛嘲摩壘致師將覆楚
淋漓大篇五百字咄嗟立辦一炊黍公然欺我老無力
謂此衰孱勇難賈憑陵直欲以氣吞三寸筆鋒當刀斧
豈知我昔亦壯遊歷險探奇不知苦從戎曾到日南天
親領羌渾狎獷鹵高黎貢山一萬丈五十三參等堂廡
仰瞻星斗手欲捫平視華嵩首寧俯三休三上揜膂腰
一掩一重爲肺腑比似天鄣六六峯各有玲瓏碧虛府

回鞭更踏五管束羅浮秀發亦罕伍蓬萊左股夜失卻
風雨漂來止其所天雞一聲海日紅不拗扶桑慚不武

飛雲終歲不見頂

飛雲峯爲羅浮最高處
終歲雲封故不見頂

并陋黃海鋪綿補凡

茲絕境悉親歷眼界奚止小東魯興來不禁嘯蘇門狂
甚那肯啗河渚是時君纔課童律一穗寒燈瞰饑鼠如
今才名雖蓋代何得便將老成侮勸駕偶發王猷興停
車亦豈臧倉阻倘因負約輒見訛勢必尾生死水滸已
拚頭地讓君出那把降旗強我豎君子不欲多上人有
才安得獨千古

呼匠刷印所著詩文戲作

恨不借祖龍火燒盡好詩獨剩我恨不借黃虎刀

見明史
流賊傳

殺盡才士讓我豪笑問此心報不報要顯我長幸人短
果能置身萬仞岡何山敢與爭低昂乃欲臨深作高蹇

廩北詩鈔

七言古五

三

固知所挾本淺淺歸田已歷三十年著書未滿二百卷

余所著咳餘叢考四十三卷廿二史劄記三十六卷廩北詩集四十四卷唐
宋以來十家詩話十卷 皇朝武功紀盛四卷雜記四卷共一百四十卷

可型舅兄老而善睡頗以爲苦余方苦不睡不意

其轉苦睡也戲贈一首

人生何者是老福能食能糞能睡足

見明史
方技傳

繫余老境日

就衰衰微尤在眠不熟眠不熟百苦生暗數一更又一

更翻似聖賢養心法虛靈不昧常惺惺初焉手腳熟旋

復脣舌渴曾無淑女繫寤思輒轉反側竟終夕朝來如

在雲霧中扎闌枉祈目交睫羨君黑甜味獨長歛斂時

入華胥鄉午簟弗驚幻蝶幻宵衾弗覺荒雞荒倒身甘

寢百疾愈此天私厚俾壽康胡爲翻恐涉昏惰欲作魚
鑰夜司鎖我聞春困堪賣瘡堪瘵邯鄲枕借不能希夷
方覓亦可君不願作瞌睡漢去掇狀元五雲柔何不結
枰爲車縛草爲舸將此睡魔來送我我當移與君對牀
分君三昧北窗涼君如飲醒酒湯我如嗅返窻香滅君
鼻息輒雷吼省我目背巖電光庶幾嚮晦宴息各守常
只愁同牀又各夢不能隨入槐根洞臥榻旁空有睡人
仍白獨醒聽蟻鬩

題文信國致永豐尉吳名揚三扎

名揚金谿人官永豐尉信國勤王時辟署幕尉

甌北詩鈔

七言古五

三

秦補江西制幹兼禮兵部架閣名揚專任軍糧
事此三扎皆催糧書也吳氏載在家譜裔孫蘭
雪另梓以傳爰題其後

魯公乞米帖但爲舉家艱旅食充國屯田策事可緩圖
非至亟信公此扎乃救亾欲飽戰士速勤王誰其任之
永豐尉不惟募糧兼運糧是時義旅雖烏合元戎意氣
方鷹揚手書籌餉代官檄時危豈論官低昂木牛流馬
未暇製陸則任輦水則航千五百貫官會子早喜頓宿
能供張書中發一千五百貫
官會充夫脚等費誓收殘疆完破碎實賴同志勤劬
勩空坑戰敗散如雨何處趙家乾淨土可惜當時衆慕

僚姓名大半草木腐寺井沉函鄭所南釣臺擊石謝臯

羽宋史忠義已漏書吟嘯集亦未及數

鄭思肖謝翱二人宋史及文山指南吟嘯二集

其大何况問關共事人獐貉噉盡黠鬼簿此扎吳家獨何

幸鬼護神訶鏗家譜遂令區區一縣尉長附丞相共千古想見荒野哭時手抱遺箋淚縷縷經年名刺字懷袖一寸蠟丸書納股酒悲時復一開看尙覺毫端血花吐白翎雀調世已彈朱烏味詞心獨苦精誠所結不消蝕又有裔孫起摩撫紙敵雖同晉帖臨原扎已失翁覃溪學士以意做寫文存不待束詩補傳家此卽教忠書故應數典不忘祖

戲題魁星像

甌北詩鈔

七言古五

三

北斗爲文昌之府其第一星至第四星總名魁星決科者咸乞靈焉世遂就字象形作鬼跳躍爲魁星像近日村劇又增一手執筆一手執銀錠蓋取必定得雋之意爲赴舉者發佳兆也余薄有詩名生事亦粗足人遂以魁星目余謂有筆能作詩有錠可致富一時竟傳爲口實爰賦以解嘲

老夫顏狀縱不美何至被人擬作鬼世傳魁星主文衡就字象形出怪偉曷鼻魑顏見者驚度索山中一鬱壘象形今更兼諧聲一筆一錠兩手擎意取音同必定字

巧爲赴舉兆榮名俚俗無稽堪笑歌無端混號忽到我
謂我才高家又哿班管握右白鏹左書生眼孔眞可憐
非指喻指竟妄傳欲將黔婁侶猗頓更遣貫休充謫仙
東坡謂李白集中笑矣乎等詩皆五代時貫休等所爲我縱有筆堪脫穎不過著書鉛槧冷

豈能造鳳樓扛龍鼎最清切處七扎揮大制作來一椽
挺我縱有錠可代耕不過賣文銖兩輕豈能鑄成餅積
滿籬多比孝傑萬鋌庫高於齊斡八尺瓶浪得虛名翻
自喜生已爲神不待死聲望雖無北斗高位置恰鄰東
壁邇幸非盜魁大澤鄉亦豈黨魁甘陵里一个搦管持
籌人竟上穹霄垂玉李賢人聚爲陳實臨少微隕關戴
甌北詩鈔

七言古五

三

達恥由來郎官應列宿安知我不麗五緯他年弄假倘
成真文章司命掌青紫紫府雖讓韓侍中綠袍亦儕鍾
進士樂得人間衆秀才瓣香奉我虔拜起

吳門喜晤王述菴司寇值其八大慶作詩稱祝

兼蒲錢竹汀宮詹

垂老故人無幾見邂逅相逢適我願到蘇聞公在虎邱
急往相尋艇如箭欵門不暇敘寒暄先認五年別來面
喜公壽骨倍峻嶒頤頰增長一寸半視聽兩官雖漸廢
聲如洪鐘聞者戰高名動人戶屢多竟日將迎弗告倦
始知天子老健身特教歸作靈光殿繫余年亦七十七

幸附殷兄列行鴈寓公况有錢穆父齒序亦堪後勁殿
竹汀少一。朝都聚吳趨坊共詫老人星出現看取江南三
余一歲老圖明日家家畫團扇

題竹初自述文

趙岐斲墓石司空誌生壙竹初自述文亦以代家狀讀
之見其真自處尋常人一語無矯飾詞罕意彌淳古來
三不朽皆出常人手祇此擇地蹈循牆走身不踰檢閑
官不曠職守得時可奮幹濟功不遇亦作釣游叟豈必
鼻息衝雲漢腳步踏星斗穿漠滓界透險重遊閭閻鄉
隘州九然後魁奇絕輩流俶詭賊儕偶君今安其常乃
甌北詩鈔

七言古五

三

更謙而光若論名行及才藝我覺此文猶未備學有兄

在專師資

謂今兄
文敏公

產比仲多均活計

待仲兄
篤恩誼

出無官謗民歌

孺歸有去思人墮淚

字鄞縣
以病歸

餘事更兼風雅宗詩思文心

兩精銳工書善畫各入微學佛求仙並深契倘得巨手
爲鋪張將垂史乘芳更炳金石光君乃不乞韓歐陽并

不假趙子昂董其昌自擲一枝雞毛筆直寫素履無避

藏想見寒窗夜深悄熒然一燈含毫邈一念不將衾影

欺寸長未敢竿牘表此卽供狀到閻羅不用減增另具

稿偉哉此正非常人只把常人之事了

